

令行者坐坐此床已七寶大蓋覆行者上梵王各各說慈法門以教行者梵王力故十方諸佛住行者前為說慈悲喜捨隨根授藥柔軟四大告舍利弗汝好持此柔軟四大伏九十八使身內身外一切諸病梵王灌頂擁酥灌法為四眾說爾時舍利弗尊者阿難等聞佛所說歡喜奉行

### 治噎法

復次舍利弗若阿練若比丘用心大急數息太麤眠臥單薄因外風寒因動脾管脾腎等脈諸筋起風逆氣胸塞節節流水停住胸中因成激血氣發頭痛背滿諸筋攣縮當疾治之治之法者先服肥膩世間美藥然後仰眠數息令定想阿耨達池其水盈滿滿一由旬底有金沙四寶金輪生黃金華大如車輪花

中有四寶獸頭象鼻出水師子口出水馬口出水牛口出水繞池七匝阿耨達龍王七寶宮殿在四獸頭間龍王頂上如意珠中龍王力故生一千五百雜色蓮華青蓮花五百尊者寶頭盧等五百阿羅漢各坐其上日暮則合晝時則開有七寶蓋在比丘上有七寶床在蓮華下五百金色蓮花淳陀婆等五百沙彌各坐其上日暮則合晝則開有七寶蓋在沙彌上有七寶床在蓮華下五百紅蓮花尊者優波難陀和須蜜多等大阿羅漢或言是大菩薩眷屬五百各坐其上日暮則合晝則開有七寶蓋在比丘上有七寶床在蓮花下有七寶高臺長八千丈從下方出當阿耨達龍王宮前有五百童子在其臺上身真

金色第一童子名曰闍婆第二童子名曰善財第五百童子名灌頂力王若欲治噎病者先念尊者寶頭盧等一千五百人如上所說令了了見已尊者寶頭盧當將是闍婆童子取阿耨達龍王所服白色菴婆陀藥菴婆陀藥者味如甘蔗形似藕根味亦有似石蜜者服此藥已噎病得差四大調和眼即明淨若發大乘法心者闍婆善財等五百童子為說大乘法因是得見跋陀婆羅等十六賢士亦見賢劫彌勒等千菩薩因發阿耨多羅三藐三菩提心具六波羅蜜發聲聞心者尊者寶頭盧為說四念處法乃至八聖道分經九十日得阿羅漢道告舍利弗汝好受持此治噎法慎莫忘失時舍利弗及阿難等聞佛所說歡喜奉行

### 治行者貪姪患法

復次舍利弗若行者入禪定時欲覺起貪姪風動四百四脈從眼至身根一時動搖諸情閉塞動於心風使心顛狂因是發狂鬼魅所著晝夜思欲如救頭然當疾治之治之法者教此行者觀子藏子藏者在生藏下熟藏之上九十九重膜如死猪胞四百四脈從於子藏猶如樹根布散諸根如盛屎囊一千九百節似芭蕉葉八萬戶蟲圍繞周匝四百四脈及以子藏猶如馬腸直至產門如臂釧形團團大小上圓下尖狀如具齒九十九重一一重間有四百四蟲一一蟲有十二頭十二口人飲水時水精入脈布散諸蟲入毘羅蟲頂直至產門半月半月出不淨水諸蟲各吐猶如敗膿入九十蟲口中從十二蟲六竅中出

如敗絳汁復有諸蟲細於秋毫遊戲其中諸男子等宿惡罪故四百四脈從眼根布散四支流注諸腸至生藏下熟藏之上肺腴腎脈於其兩邊各有六十四蟲蟲各十二頭亦十二口統統相著狀如指環盛青色膿如野豬精臭惡叵堪至陰藏處分為三支二支在上如芭蕉葉有一千二百脈一一脈中生於風蟲細若秋毫似毘蘭多鳥嘴諸蟲口中生筋色蟲此蟲形體似筋連持子藏能動諸脈吸精出入男蟲青白女蟲紅赤相纏裹狀如累環似瞿師羅鳥眼九十八脈上衝於心乃至頂髻諸男子等眼觸於色風動心根四百四脈為風所使動轉不停八萬戶蟲一時張口眼出諸膿流注諸脈乃至蟲頂諸蟲崩動狂無所知觸前女根男精青白是諸蟲淚女精黃赤是諸蟲膿九十八使所熏修法八萬戶蟲地水火風動作作此告舍利弗若有四眾著慚愧衣服慚愧藥欲求解脫度世苦者當學此法如飲甘露學此法者想前子藏乃至女根男子身分大小諸蟲張口豎耳瞋目吐膿以手反之置左膝端數息令定一千九百九十九過觀此想成已置右膝端如前觀之復以手反之用覆頭上令此諸蟲眾不淨物先適兩眼耳鼻及口無處不至見此事已於好女色及好男色乃至天子天女若眼視之如見癩人那利瘡蟲如地獄箭半多羅鬼神狀如阿鼻地獄猛火熱應當諦觀自身他身是欲界一切眾生身分不淨皆悉如是告舍利弗汝今知不眾生身根根本種子悉不清淨不可具說但當數息一心

觀之。若服此藥是大丈夫。天人之師。調御人主。免欲淤泥。不為使水恩愛大河之所漂沒。淫泆不祥。幻色妖鬼之所燒害。當知是人未出生死。其身香潔如優波羅。人中香象。龍王力士。摩醯首羅所不能及。大力丈夫。天人所敬。告舍利弗。汝好受持。為四眾說。慎勿忘失。時舍利弗及阿難等。聞佛所說。歡喜奉行。

治利養瘡法

復次舍利弗。若有行者。貪火所燒。利養毒箭。惡風吹動。以射其心。以貪因緣。心或顛倒。晝夜六時。思念貪方便。如猫伺鼠。心無厭足。如七步蛇吐毒覆身。如此惡人。利養細滑。五百毒蛇集在身上。剎那剎那頃。其心毒火熾然。不息。晝夜六時。煩惱猛風吹利養薪。在其心內熾然不息。諸蛇競作燒善根芽。以是因緣。狂亂黑鬼。猛毒熾盛。見他得利如箭射心。如刺入眼。如釘入耳。諸情閉塞。五百五蛇。四大毒龍。五拔刀賊。六村羅刹。一時競作。因是發狂。當疾治之。治之法者。先當數息。繫心令定。想一丈六像。身紫金。色三十二相。在蒼閻嶺山七寶窟中。坐寶師子座。與諸四眾說除貪法。告言法子。汝觀貪人所著袈裟六物眾具。如棘刺林。針縫之中。當生劍樹。百千鐵釘。鐵嘴諸蟲。啄食其身。融銅鑊湯。鐵鋸鐵床。是汝坐具。沸屎毒蛇。鐵丸鑊湯。刀林劍戟。百億棘刺。火河流銅灰漿膿血。是汝飲食。爾時世尊說是語已。默然無聲。令於行者自見己身。臥七重鐵城內。見五羅刹張口兩向。以八十鐵鉗拔舌。令出。無量鐵犁狀如劍樹。以耕其舌。

鐵牛甲間流注融銅。鐵卒身內有百千色膿。膿中諸蟲不可稱數。觀見此事。心驚毛豎。出定入定。見所著衣。如膿屎和血。鐵嘴諸蟲。刀林劍戟。以為莊嚴。見所食物。猶如蛔蟲。百千小蟲耳生。諸膿屎尿諸血。八十鳴蟲。風蟲。火蟲。水蟲。地蟲。地獄蟲。一切諸蟲。吐膿吐毒。滿鉢多羅鐵丸劍戟。以為果蔴。爾時世尊而說偈言

貪欲嗜味故 養怨入丘塚 唐受諸辛苦  
身臭如死尸 九孔流不淨 如廁蟲樂糞  
愚貪身無異 智者應觀身 不貪染世間  
無累無所欲 是名真涅槃 如諸佛所說  
一心一意行 數息在靜處 是名行頭陀

告舍利弗。利養傷身。敗人善根。不可具說。但當數息。一心觀之。若服此藥。是大丈夫。天人之師。調御人主。免欲淤泥。不為使水恩愛大河之所漂沒。貪利不祥之所燒害。當知是人未出生死。其身香潔如優波羅。人中香象。龍王力士。摩醯首羅所不能及。大力丈夫。天人所敬。告舍利弗。汝好受持。為四眾說。慎勿忘失。時舍利弗及阿難等。聞佛所說。歡喜奉行。

治犯戒法

復次舍利弗。若比丘比丘尼。式叉摩尼。沙彌沙彌尼。優婆塞。優婆夷。受佛禁戒。身心狂亂。猶如猿猴。種植之法。未及生長。滅枝毀根。七眾亦爾。於佛禁戒。戒色未生。犯突吉羅。乃至波羅夷。猶如醉象。不避好惡。不識諸方。蹈壞一切諸善好物。四眾亦爾。蹈破淨戒。青蓮花池。破戒猛盛。猶如狂狗。見人見木。乃至鳥獸。

隨逐齧之。犯戒惡人。見佛羅漢。清淨比丘。功德福田。隨逐罵辱。誹謗毀之。自飲毒藥。遍體血現。節節火然。狂愚無智。結使猛風。動煩惱山。貪淫為眼。瞋為手足。愚癡身體。踐蹈世間。種種惡子。既自種已。復教他人。求覓地獄。獄卒羅刹牛頭阿傍。劫火惡鬼。劍林之神。閻羅王等十八獄主。常為己作大親友。上善知識。必定當與如是。獄種晝夜遊處。此破戒人。諸惡猛火已來入心。為利養故。為名聞故。自稱善好威德。具足。詣阿練若。知法者所。猶如幻師。幻惑他目。此幻偽人。詐行頭陀。破戒惡風。吹罪業華。常散己上。惡口誹謗。不善心香。以熏身心。此人身心。猶如伊蘭。似百千蟲狗。雖行禪定。偽現數息。所見境界。始初之時。見黑色。佛如黑象脚。見如灰人。見諸比丘。頭破脚折。見比丘尼。莊嚴花鬘。見諸天象。化為獼猴。毛端火然。來觸擾己。或見一野狐。及一野干。有百千尾。一一尾端。無量諸蟲。種種雜惡。或見羸瘦駝驢猪狗。鳩槃荼等。諸惡夜叉。羅刹。魁膾。各持種種武器。惡火打撲比丘。因是發狂。或歌或舞。臥地糞穢。作種種惡。當疾治之。治之法者。向諸智者。至誠至說。懺悔所作惡。不善業。智者應當教此比丘。念釋迦牟尼佛。乃至次第念於七佛。念七佛已。念三十五佛。然後復當念諸菩薩。念大乘心。觀於空法。深自慚愧。想一一佛。捉澡罐水。以灌其頂。復自己想身墮阿鼻地獄。十八地獄。受諸苦惱。於地獄中。稱南無佛。南無法。南無比丘僧。修行六念。諸佛如來。於其夢中。放白毫光。救地獄苦。

此累劫積癡惡不解，淫深入於心，致惟念淫，輪迴中心趣即著，而成色身中淫風蟲，如307頁下11：風動心根四百四脈為風所使動轉不停，風即身中業識

見此事已如負債人心懷慚愧應當償之一心一意脫僧伽梨著安陀會詣清淨僧所五體投地如大山崩心懷慚愧懺悔諸罪為僧執事作諸苦役掃廁擔糞經八百日然後復當澡浴身體還著僧伽梨入於塔中一心合掌諦觀如來眉間白毫大人相光一日至七日還至智者所求懺悔智者應當告言比丘汝今自觀汝身猶如金瓶盛四毒蛇二上二下吐毒可畏復觀一龍六頭繞瓶龍亦吐毒滴蛇口中四方大樹從金瓶出遍三界黑象復來欲拔此樹四面火起見此事已應當告言比丘當知金瓶者是地氣也青色蛇者從風大生是風大毒綠色蛇者從水大生是水大毒白色蛇者從地大生是地大毒黃色蛇者從火大生是火大毒六頭龍者是汝身中五陰及空如此身者毒害不淨云何縱惡犯戒不治說此語已復教掃塔塗地作諸苦役更教觀佛見佛放金色光以手摩頭然後方當教不淨觀不淨門徹無有諸障然後可與僧中說戒欲說戒時應唱是語某甲比丘某甲比丘尼已八百日行於苦役七日觀佛眉間白毫作毒蛇觀地獄想成復觀一佛說懺悔法不淨觀門無我人境還復通達境界中佛以澡罐水灌比丘頂天神現夢說已清淨今已慚愧我所證知唯願聽許爾時律師復應以律檢問此人復教誦戒經八百遍然後方與如淨比丘得無有異告舍利弗若有七眾犯於輕戒過二夜不懺悔者是人現身雖行禪定終不獲道若犯重戒墮大地獄從

地獄出受畜生身如是具足滿三劫然後為人雖得人身貧窮癩病七十七身不見佛不聞法諸根不具是故智者若犯佛戒於突吉羅應生怖畏如被刀斫極懷慚愧何況重戒若能服此持戒藥者當知是人最上慚愧忍辱丈夫無能過者爾時世尊而說偈言

破戒心不淨 猶如偷賊狗 處處求利養 為貪心所殺 當服慚愧藥 忍辱為衣裳

懺悔莊嚴華 熏用善心香 一心觀佛相 除苦無憂苦 亦當念空法 修心觀不淨

是名諸如來 甘露灌頂藥 服者心無憂 可至涅槃岸 如法應修行 非法不應作

今世若過世 行法者得度 隨順佛所說 持戒行頭陀 身心無惡行 疾至於解脫

爾時世尊告舍利弗汝好受此治犯戒藥慎莫忘失時舍利弗及阿難等聞佛所說歡喜奉行

治禪病祕要法卷上

### 治禪病祕要法卷下

宋居士沮渠京聲譯

#### 治樂音樂法

復次舍利弗若四部眾樂諸音樂作倡無厭因是動風如縱逸馬亦如秋狗似伊尼利鹿王耽惑愚癡心如羈膠處處隨著不可禁制當疾治之治之法者先想一天女端正無雙兩手自然有諸樂器聲萬種音行者見已見此天女過於外色百億萬倍聞此天聲世所無比因是惑着觀色聽聲因是當教觀此女

人六情諸根所起境界數息力故見可愛眼生六毒蛇從眼根出入耳根中復見二蟲狀如鴉鵂發大惡聲破頭出腦爭取食之餘四根中見貓見鼠見狗野干爭取食之因是得見一切女色三十六物汚露不淨子藏蛔蟲為女瓔珞見女所執諸雜樂器宛轉糞中諸蟲鼓動作野干鳴所說妖怪不可聽採如羅剎哭因是厭離詣智者所說前所作惡不善業誠心懺悔智者應當教無常觀告舍利弗汝好受此治音樂法慎莫忘失時舍利弗及阿難等聞佛所說歡喜奉行

#### 治好歌頌偈讚法

復次舍利弗若行者好作偈頌美音讚歎猶如風動娑羅樹葉出和雅音聲如梵音悅可他耳作適意辭令他喜樂因是風嚮貢高慢心如亂草隨煩惱風處處不停起憍慢幢打自大鼓弄諸脈零因是發狂如癡猿猴採拾花菓心無暫停不能數息當疾治之治之法者先當想一七寶高幢有乾闥婆在其幢端身如白玉動身讚偈身毛孔中出大蓮華百千比丘在蓮華上聲萬種音過於己身百千萬倍因是漸漸息其憍慢智者復應教於行者諦觀幢端見於幢端頗梨明鏡諸比丘等恃聲憍慢心不淨者化為羅剎出大惡聲火從口出復有夜叉從四方來拔舌取心置於幢端其心戰掉號哭叫喚如醉象吼或復細聲如毘舍闍吟因是復見諸美音聲如人叫喚稱己父母罵詈無道因是厭離耳不樂聞生厭離想智者應當教觀八苦如八苦觀說

告舍利弗。汝好受此治歌。頌偈讚法。慎莫忘失。時舍利弗及阿難等。聞佛所說。歡喜奉行。

治水大猛盛因是得下

復次舍利弗。若有四眾入水三昧。遍體水出不見身心。猶如大海。出定時飲食不甘。患心下熱。水脈增動。患下不止。當疾治之。治之法者。想一金翅鳥。比丘乘上。於大海中遊行無畏。諸龍羅刹皆悉驚走。鳥取龍食。龍畏怖故。吸水都盡。化為四蛇。金翅鳥王口銜四蛇。比丘坐上。求水不得。金翅鳥王眼出火燒蛇。諸蛇驚怖。猶如幻夫所作。幻人隱沒不現。入比丘身。從是出定。應服世間斷下之藥。想二火珠。一在胃管。溫暖諸脈。一在糞門。狀如熱石。想雪山神名鬱多伽。身長六丈。白如珂雪。持一香藥名娑呵那伽。授與行者。服此藥時。先發無上菩提之心。一服藥已。四百四病終身不動。何況下耶。若令彼神疾來者。當淨澡浴。不食五辛。不飲酒。不噉肉。於靜寂處。一心數息。稱彼神名。念彼神像。一日至七日。雪山大神與十二白光神等。至行者前。先為說法。後授與藥。復教十二門禪。彼諸神等皆是五地大菩薩也。若有病者。應先念彼鬱多羅伽神。次念勇健神。強力神。雄猛神。智行神。自在神。善臂神。鳩摩羅神。難勝神。白光明神。白光明王神。藥王神等。十二白光神。既得見已。於一一神所。各問異法門。彼諸神等。先令行者得見。彌勒菩薩。於彌勒菩薩所。見文殊師利等。一切諸菩薩及十方佛。若此人過去世不犯四重禁。現在世不破四重禁。見諸神時。即

見道跡。若犯戒者。是諸神王教。已懺悔。足滿千日。然後得見彌勒菩薩。及文殊師利諸大士等。後獲道跡。告舍利弗。若有行者。因水致下動。四百四病。欲得治者。當疾服是娑呵等藥。除病無患。滅業障。海疾見道跡。是故汝等善好受持。慎莫忘失。時舍利弗及阿難等。聞佛所說。歡喜奉行。

治因火大頭痛眼痛耳聾法

復次舍利弗。若行者入火三昧。節節火焰。大腸小腸。一時火起。燒動火脈。出定時頭微微痛。諸脈掣縮。眼赤耳聾。因是發病。當疾治之。治之法者。先想一琉璃甕。盛眾色水。生雜寶花。花上皆有百千化佛。諸化菩薩。各放白毫。照諸火光。令諸火光化為金龍。行者見已。即生歡喜。作念。想甕安置火下。花臺在上。已往佛所。以手攀甕。手即清涼。因是舉身投於甕邊。為佛作禮。即見化佛。放眉間光。雨滴甘露。灑散諸節。所滴之處。化成琉璃。因灌大腸。大腸小腸。甘露盈滿。火光漸息。生諸寶花。寶華有光。其色紅白。復當想一摩醯首羅。乘金色牛。持寶瓶水。至行者前。水中眾藥。藥名破毒。令行者服。復持一珠名旃陀羅摩尼。宋言。月精。置其頂上。流出諸藥。灌耳灌眼灌鼻。但一見已。即得除差。摩醯首羅是大菩薩。常自遊戲。首楞嚴三昧。即從眉間放。大光明。化作佛像。五百仙人侍衛。世尊。為於行者說甘露門治病之法。告舍利弗。汝好受持。慎莫忘失。時舍利弗及阿難等。聞佛所說。歡喜奉行。

治入地三昧見不祥事驚怖失心法

復次舍利弗。若行者入地三昧。見四方面黑山。諸山巖間。有無量無邊。諸鳩槃荼。蹲踞土埵。現醜惡形。身根分端。復有五山。夜叉競來。爭取彼山。諸鳩槃荼。痛急驚怖。發大惡聲。向行者所。復見諸鬼。頭髮蓬亂。捉大鐵棒。棒端有山。至行者所。復見夜叉。擔山起舞。羅刹持樹。至夜叉所。羅刹瞋恚。與夜叉鬪。毘舍遮鬼。頭戴黑山口銜死虎。行者見已。心驚毛豎。以驚怖故。羅刹熾盛。共夜叉鬪。羅刹得勝。截夜叉頭。毘舍遮手。足以為瓔珞。鳩槃荼身根。以為花鬘。鼓舞前地。狗牙上出。如劍樹枝。眼中雨電霹靂。火起。夜叉復勝。搏撮羅刹。剝其面皮。剝取女根。截鳩槃荼身根。毘舍遮手足。用為花鬘。串耳。串頸。鼓舞前地。動身大叫。發大惡聲。甚可怖畏。復見四大海神所生之母。毘牟樓至。仰臥海水。有千頭。各二千手足。挖身四向。現其女根。巖嶠可畏。如血塗山。其諸惡毛。狀如劍樹。中生一樹。如刀山林。百千無量。驢耳牛頭師子口。馬脚狼尾。鳩槃荼身根。如是諸鬼等。從中而出。復見大龍百千頭。長數十由旬。從中而出。見有一鬼。似百獸形。如師子。有一萬脚。甲間無數百千毒蛇。從中而出。復見餓鬼。其形長大。十億由旬。吐毒吐火。擔諸山。從中而出。復見千狼連尾異體。牙如石尖。從中而出。復見千虎尾。亦有頭。合身側行。從中而出。復見龍女。瓔珞嚴身。甚脫人目。從中而出。夜叉取食。狸貓鼯鼠。獼猴野干。狐魅惡鬼。一切惡獸。皆從中出。阿鼻地獄。沃焦山神。十八地獄神。九億牛頭阿傍。八十億餓鬼。

~即五條而近身褻體著者。又曰下衣。〇

千億廁蟲五百億蛔蟲如是種種諸變狀事。可惡鬼神或持刀山或捉劍樹或搖須彌或動鐵圍由乾陀山等行者自見身滿大地三百三十六節皆如高山至無色界臍中出水四大毒蛇遊戲水中口中出火十惡羅刹在火中走耳中出風糞門出風吹動諸山一切鬼神皆來瞋目節解行者因是驚怖喜發狂病若見是事當疾治之治之法者先想一日與日天子乘四寶宮殿作百千伎樂在黑山上照耀黑山令漸漸明想一日成已復想二日想二日已復當自觀己身白骨三百三十六節白如雪山日照雪山復想頂上有月天子四寶宮殿百千眷屬捉於月珠置其頭上此想成已想第三山上復有一日如上無異見此日已復想頂骨白雪山上如上復有一月既見月已復想第四山上復有一日照此黑山既見日已當想己身二百三十六節白骨之山皆角相向四角皆一一角間有一月光天子手捉兩珠兩向相對也持如是諸節角角之間皆應停心十出入息頃諦觀令了見一一骨有二十八宿明淨可愛如七寶珠此想成已復想一金翅鳥王頭戴摩尼珠搏撮四蛇及與六龍蛇驚龍走諸山鬼神一時驚動狀如黑色皆是前身破戒果報當勤懺悔嚴淨尸羅尸羅淨故日月光明倍更明顯若心念惡口說惡言犯突吉羅摩尼珠上則雨黑土日月空塵星宿不行阿修羅王九百九十九手千頭一時出現映蔽日月星宿不現此名為退為惡心刀惡口火破戒賊之所劫奪若欲服此

勝甘露藥先當持戒淨諸威儀懺悔業障惡不善罪復當繫心繫意端坐一處數息閉氣如前觀於二百三十六節使一一節角角相向星月之屬亦如上說心復明利見一一節間月光如衣星光如縷縫持相著見四日出四大海水三分減二見五日出須彌融盡大海消竭見六日出想此諸山漸漸融盡見七日出大地爛然諸鬼羅刹飛住空中乃至欲界火幢隨後復至色界火亦隨至欲往無色界手脚焦縮落火聚中聲吼可畏動於大地入此也如車輪旋當疾持心想三百三十六節如金剛山形狀可愛過於須彌地水火風不能傾動唯見四蛇含摩尼珠在骨山間爾時應當先想佛影見金剛際金剛幢端有摩尼鏡過去七佛影現鏡中復當諦觀毘婆尸佛眉間白毫尸棄佛眉間白毫提舍佛眉間白毫拘樓孫佛眉間白毫迦那含牟尼佛眉間白毫迦葉佛眉間白毫釋迦牟尼佛眉間白毫見七佛眉間白毫如頗梨色水甚清涼洗諸節間三百二十六節白毫水洗皎然大白色潔鮮妙如頗梨鏡無物可譬因是復見五金剛輪在七寶幢端從下方出迴旋空中說四諦義雖見聞此一觀於身白骨山即見釋迦牟尼佛以澡罐水灌其頂上餘六佛亦爾爾時釋迦牟尼佛告言法子色受想行識苦空無常無我汝當諦觀又為廣說空無相無作無願說身空寂四大無主五陰無家畢竟寂滅同於虛空因是即悟無常壞世間觀四真諦五出入息頃破二十億炯然之結成須陀

洎十出入息頃免諸欲流成斯陀含十出入息頃斷諸鈍使欲色界使諸結根本不還欲界成阿那含於十息頃遊戲空法心無繫礙住三十四心相應解脫十根本不滅不壞摧九十八使山大勇猛將慧光法幢從四方至金剛寶座從下方出共相振觸演說空法五金剛輪住左膝邊自然演說九無礙八解脫法過去聲聞皆入毘琉璃三昧住立其前釋迦牟尼佛廣為宣說金剛譬定境界義味於是寂然不見身心入金剛三昧從金剛三昧起結使山崩煩惱根絕無明河竭老死奴滅於生分永盡梵行已立如煉真金不受諸欲所作已辦是名大阿羅漢若發無上菩提心者初見七佛白毫光照一一如來白毫光明分為十支化十寶花寶樹寶臺行列在空時十方佛亦放光水如上所說洗諸節間一一佛白毫光中說十八種慈心法門說十八種大悲法門說十八種大喜法門說十八種大捨法門漸漸增長教已修習四無量心具四無量已為說十種明心具明心已教說色即是空非色滅空既觀空已教菩薩六法行六法已修行六念念佛法身念佛法身已起迴向心迴向成已立四弘誓不捨眾生四願成已具菩薩戒菩薩戒成已學修相似檀波羅蜜檀波羅蜜成已學修相似十波羅蜜此想成已觀內空外空於是現前見百千無量諸佛以水灌頂以繒繫頭為說空法因空心悟入菩薩位是名性地菩薩最初境界於此法多生識之此是菩提告舍利弗此名治地三昧增上心初境界相於此法多生增上慢宜應識之此是菩提心初境界相以慈心叮嚀莫因發菩提心而生增上慢應自我警惕

慢滅無明母三毒可畏相。汝好受持。慎莫忘失。時舍利弗及阿難等。聞佛所說歡喜奉行。

治風大法

復次舍利弗。若行者入風三昧。自見己身九孔之中。如大溪谷出五色風。復見己身三百三十六節。白如雪山。節節風出。諸藹吉支藹吉支者起尸也諸藹吉支手捉鐵棒。以千髑髏為身瓔珞。與諸龍鬼九十八種。至行者所。行者見己心驚毛豎。因是發狂。或白癩病。當疾治之。治之法者。先當觀於雪山香山四大仙人。皆悉盡是大菩薩也。想彼仙人身黃金色。長十六丈。一手捉花。一手捉金剛輪。口銜香藥。遮護行者。不令風起。仙人持花。呪水出龍。吸諸風盡。龍身脹大。在地眠臥。終不能起。當觀此龍猶如芭蕉。皮支相裏不能喘息。爾時世尊而說呪曰。南無佛陀。南無達摩。南無僧伽。南無摩訶梨師毘闍羅闍。藹咄陀達陀。娑滿跋跋闍羅翅矢馳反。陀邏崛荼誓荼。遮利遮利。摩訶遮利。吁摩利。吁摩勒翅矢馳反。悉耽鞞閻鞞。阿閻鞞利。究窈窈翅矢馳反。薩婆陀羅尼翅矢馳反。阿扇看反。提摩俱梨。應詣吁彌。吁彌。吁摩。娑婆。禍呵。爾時世尊說此呪已。告舍利弗。如此神呪。過去無量諸佛所說。我今現在亦說此呪。未來彌勒賢劫菩薩亦當宣說。如此神呪功德。如自在天。能令後世五百歲中。諸惡比丘得淨心意。調和善治。四大增損。亦治心內四百四病。四百四脈所起境界。九十八使性欲種子。亦治業障。犯戒諸惡。永盡無餘。此名善治七十二種病。憂惱陀羅尼。亦名拔五種陰。無明

根本陀羅尼。亦名現前見一切佛及諸聲聞。為說真法。破諸結使。爾時世尊而說偈言。

法性無所依 觀空亦復然 若能觀四大 不為使所殺 服藥行禪定 誦此陀羅尼 一心念諸佛 結使永不起 煩惱海永盡 恩愛河亦絕 諸欲無所因 自稱是解脫 無患心恬怕 遊戲六神通 亦以陀羅尼 教授於他人

爾時世尊說此偈已。告舍利弗。汝今當知。我涅槃後。未來世中。若有比丘比丘尼。優婆塞。優婆夷。得聞此甚深祕要淨尸羅法。及行禪定。諸病方藥。此光明王勝幢陀羅尼。當知此人。不於一佛二佛三四五佛。種種善根。久於無量百千佛所。修習三種菩提之心。今得聞此甚深祕要。如說修行。當知是人。最後邊身。如駛水流。速疾當得四沙門果。及菩薩行。佛說是語時。五百釋子。倍更增進。具六神通。舍衛城中。一千首陀羅宿世行禪發狂之者。聞佛所說。即生歡喜。得須陀洹。八十億諸天。治四大病。身心無患。應時即發無上道心。普雨天花。以散佛上。及諸大眾。爾時會中天龍八部。聞佛所說。異口同音。而說是言。如來出世。正為治此狂惡邪見。羅刹行人。令得本心。如好花幢。甚可愛樂。善哉世尊。如優曇花時。乃一現時。會大眾以偈讚言。

日種王太子 甘蔗之苗裔 星光月外甥  
摩耶夫人子 生時行七步 足躡動大千  
十方諸神應 嘉瑞三十二 棄國如涕唾  
坐於畢鉢羅 金剛勝道場 降伏萬億魔

得成菩提道 面淨如滿月 心垢亦永盡  
我今一心禮 諸釋中最勝 具勝慈悲者  
能令諸眾生 永脫生死苦

爾時世尊問諸四眾說此偈已。復更殷勤申金色手。摩舍利弗及阿難頂。付囑是事。時舍利弗及阿難等。并餘大眾。聞佛所說歡喜奉行。初學坐者。鬼魅所著。種種不安。不能得定。治之法尊者阿難所問。

如是我聞。一時佛在舍衛國祇樹給孤獨園。那利樓鬼所住之處。末利夫人所造講堂。羅旬踰等一千長者子。始初出家。請尊者阿難摩訶迦葉舍利弗等。以為和上。摩訶迦葉教千比丘數息。靜處鬼魅所著。見一鬼神面如琵琶。四眼兩口。舉面放光。以手擊擦兩腋下。及餘身分。口中唱言。埠惕埠惕。如旋火輪。似掣電光。或起或滅。令於行者心不安。所若見此者。當急治之。治之法者。教此行人。埠惕來時。一心閉眼。陰而罵之。而作是言。我今識汝。知汝是此閻浮提中。食火嗅香偷臘吉支。汝為邪見喜破戒種。我今持戒終不畏汝。若出家人。應誦戒序。若在家。應誦三歸五戒八戒。鬼便却行。匍匐而去。爾時阿難聞此語已。白佛言。世尊。今此長者子比丘。因世尊說治埠惕鬼。以免諸惡。不為鬼魅之所縛著。後世比丘。佛涅槃後。過千歲已。欲教比丘比丘尼。優婆塞。優婆夷。數息靜處。念定安般。若諸鬼神。為亂道故。化作鼠形。或黑或赤。搯行者心。搔行者脚。兩手兩耳。無處不至。或作鳥聲。或作鬼吟。或復竊語。或有狐魅。作新婦形。莊嚴

①首陀。又作首陀羅。天竺4大姓之第4。農人奴隸也。慧琳音義2。成達羅。古云首陀羅。首陀。即農夫耕墾之儔。②止觀輔行傳弘決卷第8-3。吉支者鬼名也。

其身為於行者按摩調身說於非法或現作狗號哭無度或作鷓鴣百類眾鳥作種種聲竊語大喚其音不同或作小兒百千為行十五五若一二三作種種聲至行者所或見蛇蠅蟲蚤蛇虻或入耳中如蜂王鳴或入眼中如迸酪沙或復觸心作種種亂事因是發狂捨離靜處作放逸行當云何治佛告阿難諦聽諦聽善思念之當為汝說若有四眾患此鬼者汝當為說治鬼之法此埠惕鬼有六十三名乃是過去迦那含牟尼佛時有一比丘垂向須陀洹因邪命故為僧所擯瞋恚命終自誓為鬼乃至今日惱亂四眾壽命一劫劫盡命終落阿鼻獄汝等今日宜識名字一心繫念莫為所亂爾時世尊即說曰

埠惕埠惕是惡夜叉亦名夢鬼夢見此時即便失精當起懺悔埠惕來也我是過去惡因緣故遇此破戒賊害惡鬼我今鞭心束縛諸情不使放逸如此鬼神住虛空時名虛空鬼在床褥間名腹行鬼復有二名一名深索沙彌反迦伏丘那丘泥脂隸覆嗅覆嗅阿摩勒迦沙禍訶方道鬼魘魅鬼魘魘鬼食膿鬼食唾鬼水神鬼火神鬼山神鬼園林神鬼婦女鬼男子鬼童男鬼童女鬼刹利鬼婆羅門鬼毘舍鬼首陀羅鬼步行鬼倒行鬼騎乘鬼驢耳鬼虎頭鬼獅子聲鬼鳩鴿鬼車鶻聲鬼土鷄鳥鬼角鴉鳥鬼或復化作八部鬼神虛耗鬼八角鬼白鼠鬼蓮華色鬼狐魅鬼鬼魅鬼百蟲精魅鬼四惡毘舍遮鬼鳩槃荼鬼如是等醜惡鬼神六十三種是鬼神名鬼為亂時應當數息

極令閑靜應當至心念過去七佛稱彼佛名南無毘婆尸佛尸棄佛提舍佛鳩樓孫佛迦那含牟尼佛迦葉佛釋迦牟尼佛稱彼佛名已應當憶持一切音聲陀羅尼即說呪曰阿彌阿彌迦梨奢酸地利腹棄窶翹偷涕他偷涕他摩訶迦樓尼迦彌多羅菩提薩埵若有亂心為埠惕鬼所惑亂者或作種種諸幻境界應當誦持此陀羅尼七佛名字彌勒菩薩一心數息誦波羅提木叉經一百遍此諸惡鬼各各調伏終不惱亂行道四眾佛告阿難汝好持是淨身口意調伏威儀擯惡鬼法為得增長四部弟子使不起亂念得入三昧當好受持慎莫忘失爾時尊者阿難聞佛所說歡喜奉行

復次阿難若行者坐時患兩耳滿骨節疼痛兩手掌癢兩腳下痛心下動項筋轉眼眩坐處肚鬼來竊語或散香花作種種妖怪當疾治之治之法者先當觀藥王藥上二菩薩手執金瓶持水灌之次復當觀雪山神王持一白花至行者所覆其頂上白光流入潤身毛孔即得柔軟更無異相然後復見閻婆童子持仙人花散行者上一花間雨諸妙藥潤於毛孔諸疔瘰癧種種苦痛音聲細語諸鬼神輩永盡無餘藥王菩薩藥上菩薩為說平等摩訶衍法香山雪山一切神王閻婆童子亦隨其根為說種種十二門禪隨病湯藥醫方呪術因是得見尊者賓頭盧及諸羅漢五百沙彌淳陀婆等一時悉來至行人所一一聲聞所說種種治病之法或有羅漢隨佛所

說教此比丘剌於頂上使漸漸空舉身皆空以油灌之梵天持藥其藥金色灌身令滿菩薩醫王說種種法若發聲聞心隨賓頭盧所說得須陀洹若發大乘心隨藥王藥上二菩薩所說即得諸佛現前三昧佛告阿難佛滅度後四部弟子若欲坐禪先當寂靜端坐七日然後修心數息七日復當服此除病等藥除聲去疔定心守意修心修身調和諸大令不失時一心一意不犯輕戒及與威儀於所持戒如護眼目如重病人隨良醫教行者亦爾隨數數增不令退失如救頭燃順賢聖語是名治病服煖身藥佛告阿難汝好受持慎莫忘失時尊者阿難聞佛所說歡喜奉行

治禪病祕要法卷下  
後序 河西王從弟優婆塞大沮渠安陽侯於于填國衢摩帝大寺金剛阿練若住處天竺比丘大乘沙門佛陀斯那其人天才特拔國中獨步口誦半億偈兼明禪法內外綜博無籍不練故世人咸曰人中師子沮渠親面稟受憶誦無滯以孝建二年九月八日於竹園精舍書出此經至其月二十五日訖

佛說佛印三昧經一卷 No. 621

後漢安息國三藏安世高譯

佛在羅閱祇耆闍崛山中時摩訶比丘僧萬二千人皆阿羅漢時諸菩薩有四百億萬人皆賢者如彌勒輩也及八方上下諸菩薩稍增無央數不可復計皆飛到佛所前以頭面

著佛足起繞佛七匝却坐上下相次百億萬重不可復勝數文殊師利菩薩最高才第一光明智慧與諸菩薩絕異無能及者時佛坐三昧佛身神外衣中衣佛坐光照悉不現即八方上下無數佛國悉皆明諸有佛國皆自然供養諸佛菩薩及辟支佛羅漢諸比丘僧八方上下無數諸佛各遣諸菩薩飛到佛所坐處邊坐諸菩薩皆會其數如恒水邊流沙一沙者為一菩薩如是四十恒邊沙皆悉上下相次一菩薩者自然坐一大蓮華上佛都却化天地界數千萬里諸菩薩皆坐滿其中已彌勒菩薩等及舍利弗即前叉手問文殊師利菩薩言仁者最高才佛向者三昧今皆不現不知所至疑當有意願欲聞之文殊師利謂彌勒言仁者高才且暮當作佛舍利弗者卿是佛弟子得羅漢道最智慧才猛何不各自一心坐禪推索佛身神知如何行乎即諸菩薩及阿羅漢等無央數皆坐一心推索八方上下無數諸佛國無窮無極無有能知佛身神處者彌勒菩薩等舍利弗等復長跪叉手問文殊師利菩薩我等一心推索佛身神無能知處者願欲知其說文殊師利言皆悉安坐須臾頃自當來還聞佛還處坐座中皆見佛來還時皆歡喜起為佛作禮禮彌勒菩薩等舍利弗等前長跪叉手問佛向者三昧時佛身神外衣中衣皆悉不現亦不知行何如我等共一心禪索佛身神八方上下無窮無極了不知佛處願從佛聞佛言所至到處者大深非汝曹所知也獨諸佛自知之耳佛

言三昧者甚難值也與相值聞知者甚快不可言也所以者何甚難聞也佛言諸菩薩求道奉行六波羅蜜不毀失千億萬劫尚不能得值佛三昧時亦不能得聞知佛三昧名也復行六波羅蜜精進不懈三千億萬劫聞佛三昧名與相值尚復不信向之有也復行六波羅蜜不毀失七千億萬劫聞佛三昧者尚復不信向之有也復行六波羅蜜不毀失八千億萬劫聞佛三昧名者乃信向值之耳信向有者一時之間若與相值者心中歡喜踊躍一日一夜勝復行六波羅蜜却後三千億萬劫也所以者何聞知三昧者其後求道得佛疾也菩薩求道得聞摩訶般若波羅蜜經智慧印者大善不可得聞也菩薩求道欲得作佛要當得摩訶般若波羅蜜經摩訶般若波羅蜜經者是八方上下諸佛大父母也得摩訶般若波羅蜜經乃得作佛耳菩薩求道要當積功累德滿乃聞摩訶般若波羅蜜經耳菩薩求道不得摩訶般若波羅蜜經者不得作佛也佛言其有善男子善女人信向有佛三昧經名對其跪拜慈心歡喜者其人即得其福後世亦復得其福壽終盡生天上作天王壽盡下生世間復作遮迦越王如是壽終生天上天上壽終下生王侯家展轉天道人道中終不復更泥犁禽獸辟荔鬼神龍却後無數劫皆當作佛其有聞三昧名小有狐疑不信大如毛髮者其人壽終已入十八泥犁中燒煮終無有出時然後得出求道者未央作佛也所

以者何佛三昧經是八方上下諸佛要決印明也佛言我所語如是汝曹皆當信之無得疑也誰當證明之者獨有四十恒水邊流沙諸菩薩是我小弟皆證明之耳佛說經已文殊師利菩薩等彌勒菩薩等舍利弗阿羅漢等及諸天人民聞經皆大歡喜起為佛作禮佛說佛印三昧經

佛說自誓三昧經 獨證品第四出 比丘淨行中 No. 622 [No. 623]

後漢安息三藏安世高譯

度無極。三十七品備悉佛事。爾時恒沙世界一一如來。各遣菩薩宣揚道教。光顯大乘。告其菩薩曰。汝等從此佛土。度如恒沙等剎。有佛土名曰娑呵漢言忍界。其佛名能仁如來。無所著至真等正覺。以法律神足言教作佛事。一如來手執千葉蓮華。授其菩薩而告之曰。汝持吾名致敬無量。欣承正士功成志就道體備足。降神五濁為眾重任。超次踔第在彌勒前。弘慈六度普濟群生。興居輕利道教勝常。今致此華成法供養。願使一切普會道場。彼諸菩薩承佛威神。各從其剎。忽然不現。潛定寂靜。三昧入觀。三昧須臾之頃。俱到忍界。各離其坐。端嚴恭立。歸崇聖化。五體投地。退繞七匝。却住本位。神足玄處。威儀肅然。法服正齊。俱發洪音。前白佛言。我等世尊本土如來。致敬無量。欣承功成志就道體備足。降神五濁為眾重任。超次踔第在彌勒前。弘慈六度普濟群生。興居輕利道教勝常。今贈此華成法供養。願使一切普會道場。佛言。正士。欣承彼諸如來慧教不倦。三昧通暢。法身空淨。智明弘備。此彼等一。欽歌所聞。光慶無量。爾時能仁如來手受此華。欣然而笑。光從口出。普照十方。恒沙無量諸佛世界。便以此華等散。恒沙無量諸佛。亦以光明普洞通徹。恒沙世界。一一眾生蒙佛慈光。皆得慧觀。達識宿命。展轉相照。照下地獄三惡八難天堂人中。盡蒙慈光。皆得解脫。百千眾生盡同一意。普發無上正真道心。其光尋還繞身。三匝滅於頂上。爾時恒沙等諸佛。盡通相見。諸佛威神普

使眾生並得見佛。現變畢訖。廓如常故。於是座中有菩薩名曰賢儒。即於佛前以偈讚曰。妙哉大聖化。愍哀群萌類。從無央數劫。積累功德行。一一功德行。有若千百千。百福成一相。願禮三世尊。妙哉大聖化。慈慧無有邊。道教清且貴。釋師天中天。大智高無上。法船濟群生。聖慧淨無量。願禮無上尊。妙哉大聖化。慈光潤恒沙。愚冥悉已除。迷悟反濁清。惠澤隨時宜。善權接群生。法橋度一切。願禮二界尊。於是聖師告賢儒曰。諸佛法笑有三因緣。何謂為三。薩云。若智深遠微妙。明暢三世達眾生原。三乘趣向各有本行。根信具足。或有菩薩志存弘誓。被大德鎧為眾重任。斷所趣向。為世橋梁。專推六度不捨一切。道住漸著。勇猛精進。布施無相。戒忍護行。禪定不亂。慧智清明。向不退轉。是等賢儒。佛眼悉見。一一受決。非但一佛授其人決。十方現在諸佛皆授其決。是一因緣。復次賢儒。若有菩薩向阿惟顏。積殖德本。具足聖慧。供養恒沙無量諸佛。一一受決。決決相明。明淨佛土。等潤眾生。普同一行。招來諸佛賢聖大仁。於四訣流為大法船。竭六欲海。枯十二門。入五道淨。五眼凝神。玄寂處兜術宮。集諸菩薩達士正士。淨三界行。講不退輪。十方現在諸佛於四部眾。皆共讚歎。如此菩薩稱揚其德。言當降神作佛。不久。十方眾生普得解脫。是二因緣。復次賢儒。若有菩薩於兜術宮。畢彼天壽。當下降神。便入究竟廣現三昧。淨居諸天。普觀三千大

千之剎。國邑寬大眾生。濡和。剎利梵志長者居士。何城何邑。百億之中。有道有德。清淨淳淑。仁和慈惠。轉輪聖王。正處天竺。議集降神。諸天翼從。現居宮中。侍女宿衛。現學盡俗。觀四非常。淨居天子。勸進出家。入山研精。坐貝多樹。去髮自誓。作比丘像。修先佛法。以法為師。淨居為證。一夜三達降魔官屬。具足佛事。靈瑞之樹。普出。恒沙諸佛世界。一一如來。於其剎土。八部眾中。讚歎座樹菩薩功德。如此各各遣其土菩薩。往贈華致敬讚揚大乘。如此賢儒。十方現在諸佛皆共知之。善慶眾生。普會道場。是三因緣。是等菩薩來者。皆是如來本因緣人。因此說法。皆當逮得無所從生。或向童真。或向了生。向阿惟顏。故如來一一授決。分明具足。當知正士。佛不妄笑。說是語時。七十億那術菩薩得童真位。六十億那術菩薩得了生位。三十億那術菩薩得阿惟顏。百千比丘得阿羅漢。九十億那術人得踐道迹。三界諸天普得法明。於是聖師而作頌曰。法界一切空。色身清淨真。總持度無極。三昧無有因。佛界亦不空。慧淨亦不有。哀世表微笑。正士宜速受。於是座中有菩薩名曰明見光賢。即從座起。正衣服。偏露右臂。下右膝。長跪叉手。前白聖師。願有所問。唯聖師以無量慧照釋。未聞世尊曰。善哉。恣汝所問。今當為汝具敷大要。明見光賢菩薩曰。何謂菩薩正士出家。具足道證。至薩云。於是聖師告曰。正士。善聽著意。具思其要。諸佛出家。要有起發端。坐閑思玄。



比丘善思此法，莫自貢高，求名毀眾，以望供養，亦不可苟有此法，背眾不師於師，此法謂都無比丘眾，可為師者，慕行此法，若有僧者，當求僧為證，佛法眾，此三寶等於如來，故多薩阿竭稱明律比丘僧眾，以為上頭，當知天子比丘僧中，必有二乘，說是語時，淨居天子及八部眾，聞經歡喜作禮而去。

佛說如來獨證自誓三昧經 No. 623 [No. 622]

西晉月氏三藏竺法護譯

聞如是，一時佛遊於句潭彌國大叢樹間，交露精舍，所止道場，名曰獨證自誓三昧，初始得佛光景甚明，自然靈瑞，寶蓮華座，其花清香明徹十方，華有千葉，一葉上有化菩薩接待庠序，玄處虛空，各從其位，五體投地，各繞千匝，當前恭立，俱發洪音，歎未曾有，唯然世尊，我等自於本剎，見有化靈瑞之樹，其樹初生，光照恒沙諸佛國土，樹出洪音，其聲清淨，哀雅慈和，暢入眾心，聞者踊躍，具足平等，興大乘行，六度無極，三十七品備悉，佛事爾時恒沙世界，一一如來各遣菩薩，宣揚道教，光顯大乘，告其菩薩曰：汝等從此佛土，度如恒沙等剎，有佛土名曰沙呵漢言忍界，其佛名能仁如來，無所著至真，過四道不受平等覺，以法律神足，佛言教作佛事，一一如來手執千葉蓮華，授其菩薩，而告之曰：汝持吾名，致敬無量，欣承正士功成志就，道體備足，降神五濁

為眾重任，超次趕第，在彌勒前，弘慈六度，普濟群生，興居輕利，道教勝常，今致此華成法，供養，願使一切普會道場，彼諸菩薩承佛威神，各從其剎，忽然不現，潛定寂靜，入觀三昧，須臾之間，俱到忍界，各離其坐，端嚴恭立，歸崇聖化，五體投地，退繞七匝，却住本位，神足玄處，威儀肅然，法服正齊，俱發洪音，前白佛言：我等世尊，本土如來，致敬無量，欣承功成志就，道體備足，降神五濁，為眾重任，超次趕第，在彌勒前，弘慈六度，普濟群生，興居輕利，道教勝常，今贈此華成法，供養，願使一切普會道場，佛言：善哉，正士，欣承彼諸如來，慧教不倦，三昧通暢，法身空淨，智明弘備，此彼等一敬嘉，所聞光慶無量，爾時能仁如來，手受此華，欣然而笑，光從口出，普照十方，恒沙無量諸佛世界，便以此華等散，恒沙無量諸佛，恒沙無量諸佛，亦以光明，普洞通徹，恒沙世界，一一眾生，蒙佛慈光，皆得慧觀，達識宿命，展轉相照，照下地獄，三惡八難，天堂人中，盡蒙慈光，皆得解脫，百千眾生，盡同一意，普發無上正真道心，其光尋還，繞身三匝，滅於頂上，爾時恒沙等諸佛，盡通相見，諸佛威神，普使眾生，普得見佛，現變畢竟，廓如常故，於時坐中有菩薩名曰賢儒，即於佛前，以偈歎曰：

妙哉大聖化 愍哀群萌類 從無央數劫  
積功累德行 一一功德行 有若干百千  
百福成一相 願禮三界尊 妙哉大聖化  
慈悲無有邊 道教清且貴 釋師天中天  
大智高無上 法船濟群生 聖慧淨無量

願禮無上尊 妙哉大聖化 慈光潤恒沙  
愚冥永已除 迷悟及濁清 惠澤隨時宜  
善權接群黎 法橋度一切 願禮三界尊  
於是聖師告賢儒曰：諸佛法笑有三因緣，何謂為三？薩云：若智深遠微妙，明暢三世，達眾生原，三乘趣向，各有本行，根信具足，或有菩薩志在弘誓，被大德鎧，為眾重任，斷所趣向，為世橋梁，專擢六度，不捨一切，道住漸著，勇猛精進，布施無想，戒忍護行，禪定不亂，慧智清明，向不退轉，是等賢儒，佛眼悉見，一一授決，非但一佛授其人決，十方現在諸佛，皆授其決，是一因緣，復次賢儒，若有菩薩，向阿惟顏，積殖德本，具足聖慧，供養恒沙無量諸佛，一一受決，決決相明，淨佛土，等潤群生，普同一行，招來諸佛，賢聖大仁，於四馱流，為大法船，竭六欲海，枯十二門，入五道淨，五眼凝神，玄寂處，兜術宮，集諸菩薩，達士正士，淨三界行，講不退輪，十方現在諸佛，於八部眾，皆共嗟歎，如此菩薩，稱揚其德，言當降神作佛，不久，十方眾生，普得解脫，是二因緣，復次賢儒，若有菩薩，於兜術宮，畢彼天壽，當下降神，便入究竟，廣現三昧，淨居諸天，普觀三千大千之剎，國邑寬大眾生，軟和，剎利梵志長者居士，何城何邑，百億之中，有道有德，清淨淳淑，仁和，慈慧，轉輪聖王，正處天竺，議集降神，諸天翼從，現居宮中，侍女宿衛，現學盡俗，觀四非常，淨居天子，勸進出家，入山研精，坐貝多樹，去髮自誓，作比丘像，修先佛法，以法為師，淨居為證，一夜三達降魔，官屬具足佛事。

靈瑞之樹普出恒沙諸佛世界。一如來於其刹土八部眾中。嗟歎坐樹菩薩功德。如此各各遣其土菩薩。往贈華致敬讚揚大乘。如此賢儒。十方現在諸佛皆共知之。善慶眾生普會道場。是三因緣。是等菩薩來者。皆是如來本因緣人。因此說法皆當逮得無所從生。或向童真。或向了生。向阿惟顏者。故如來一一授決分明具足。當知正士。佛不妄笑。說是語時。七十億那術菩薩得童真位。六十億那術菩薩得了生位。三十億那術菩薩得阿惟顏。百千億比丘得阿羅漢。九十億那術人皆得道迹。三界諸天普得法眼。於是聖師而作頌曰：

法界一切空 色身清淨真  
總持度無極 三昧無有因 佛界亦不空  
慧淨亦不有 哀世表微笑 正士宜速受

於是座中有眼見光賢菩薩。即起正衣服偏露右臂。下右膝長跪。叉手前白聖師。願有所問。唯聖師以無量慧照釋未聞。答曰。善哉。恣汝所問。今當為汝具敷大要。眼見光賢菩薩曰。何謂正士出家具足道證。至薩云若。於是聖師告曰。正士善聽著意。諸佛出家要有起發。端坐思閑。玄靜通微。夫專稱念道分有所感應。感者淨居天子。梵王自在。便勅帝釋。化四非常老病死像。因此說證。離欲苦難念道清淨。當處山澤。研精行禪。此意方興。四王已下。給侍所當詣貝多樹。憶念先佛出家之法。以法為師。天梵為證。信根內固。宿習六度三十七品。具足佛事。忽然自悟。帝釋便下。剃刀授手。於是菩薩左手執髮。右手持刀。心自念

言。刈習苦垢。植無著根。斷不退流通泥洹。原發意已來。常得去家。堅固之志。心無懈倦。深不退轉。信證具足。意思分明。刀未近髮。忽便自墮。肉髻自然。補處菩薩。心念先佛。出家去髮。應有袈裟法服。檢心方興。此念淨居天子。即授淨素天繒。自然袈裟。菩薩受已被之。於體法服齊正。於是恒沙無量世界諸佛。盡通相見。各送袈裟。授與菩薩。菩薩即受。彼此諸佛。普現威神。盡令諸佛。所送袈裟。合成一服。名曰薩披。佛頭震越。此衣今在梵天。所以端坐六年。以畢宿緣。六年後夜。戒證方現。何謂戒證。志在閑寂。山澤受法。神真操遠。持戒行道。不惜壽命。棄捐身體。齊等萬物。不求利養。守空行寂。常觀淨法。慈悲喜護。四等四恩。具無蓋哀。明釋四禪。無瑕無穢。無點念。不從他人法。於佛法中。得泥洹道。是為真戒沙門。佛告正士。禁戒無形。不著三界。無識無吾。無我無人。無命無意。無名無種。無化無數。無作無所。從來無所從去。無形無滅。無身無犯。無口無言。無心無念。無世事。無計無事。無所住。亦無有戒。無有感。無所念。無敗壞。是名禁戒。佛禁戒。無瑕穢。亦無著戒者。無瞋無恚。安定清淨。就度世道。如是為持戒。不受身形。不受壽命。亦不樂五道。悉曉人於佛法中。是為持戒。亦不在中。亦不在邊。亦不著。亦不轉。譬如虛空中風。是為持戒。菩薩正士。初坐樹下。淨始戒證。棄欲苦本。捨分散意。意無起想。不動想。不傲想。不我想。不彼想。不中想。不彼此想。不

中外想。無道想。無俗想。無滅想。滅無想。無無

無想想。無無無想。盡無盡想。如是正士。樹下立證。淨本千八百戒。此數始訖。金剛之座。忽然從地裂而出。第六魔宮。而大傾動。三界諸天。不安本位。皆共俱下。詣貝多樹。供侍所當。恒沙世界。忽有洪音。洪音之中云。坐樹菩薩。是夜啟證。眾生各各皆聞。皆見。如是正士。是為菩薩。具足戒證。成薩云若。三達六通。三十七品。十八不共。十力。四無所畏。一切普具。三千世界。六反震動。功德降魔。光明普照。恒沙世界。眾生蒙此慈光。一時得安。普發無上正真道意。佛說是時。八百比丘。得阿羅漢。三萬人。皆得法眼。三千人。得阿那含。賢儒正士等。逮無所從生。

於是聖師告賢儒曰。昔吾一時遊句潭。彌爾時。天魔部黨。忽與眷屬。來入大眾。作異被服。與眾同處。動共諍訟。更相誹謗。兩頭謳合。生死比丘。不閑道體。恚心忿惱。各自離群。馳散。羅漢真人。各之山林。爾時賢儒。夏三月已過。歲暮已至。當鉢和蘭。十四日夜。明星出時。惟勅阿難。鳴撻。撻布草蓐。惟與阿難共受歲。爾時淨居天子。於虛空中。白佛。世尊。今比丘眾。各共分散。今佛受歲。何其獨自。佛告天子。昔吾出家。以汝為證。詣貝多樹。汝復為證。今我受歲。汝復為證。於閻浮利。回周三千無量世界。多薩阿竭。成薩云若。凡從得佛。至于泥洹。汝為三證明體。具足。當知天子。多薩阿竭道。慧神通。獨步三界。由復須證。而況一切。凡為道者。可無師乎。又告淨居。末世多人。志在清白。道心貞明。不樂世俗。隱處山林。審有去家

①又稱新歲。指比丘修滿90日夏安居而增一法臘。比丘受戒後，依夏安居之次數論受戒年歲，而稱法臘或戒臘幾年。於禪林中，冬安居之首日，亦稱受歲。

堅固之志。若無師友。當如摩訶迦葉出家之法。遠欲捨捨為證。遠俗捨捨為證。遠名譽譽捨為證。遠形法忘形為證。遠內外求捨求為證。如是等天子。摩訶迦葉以此五證。便下鬚髮被袈裟。師自然法淨感十方諸佛求哀自陳。仰惟三界諸天自陳如此。此三證分明。便成比丘。專行十二頭陀。一一堅固無起想證。爾時迦葉即於樹下具五神通。末後見佛六通即備。如是天子。末世比丘善思此法。莫自貢高求名毀眾。以望供養。亦不可以苟有此法。背眾不師於師。此法謂都無比。丘眾可為師者。慕行此法。若有僧者當求僧為證。佛法眾此三寶等於如來。故多薩阿竭稱明律比丘僧眾以為上首。當知天下比丘僧中畢有三乘。說是語時。淨居天子及八部眾。聞經歡喜作禮而去。

佛說如來獨證自誓三昧經

佛說<sup>久</sup>真陀羅所問如來三昧經卷上

No. 624 [No. 625]

後漢月氏三藏支婁迦讖譯

聞如是。一時佛在羅閱祇耆闍崛山中。與六萬比丘俱。菩薩七萬三千人。一一尊復各從十方佛剎來到是間。悉得陀隣尼法。其欲無所罣礙。其心所念羞慚。多所忍而行。從是而得成。其心如金剛無能斷截者。諸佛法一切習。諸佛法欲具足。其意所作而欲甚尊。其意不離菩薩心。令他人亦爾。施與伏意而不亂。所愛而無所惜。其淨戒莊嚴飾身口意。其忍

辱柔軟是則為力。是則僧那。阿僧祇劫。憶那術百千所作精進。而不懈怠。禪惟務三昧三摩越。其心知他人意。以是自娛樂。其慧功德無所不解。其心譬若須彌。無能譬者。其心如地水火風。亦無所愛。亦無所憎。常有慈心。其身光明無所罣礙。其哀是行為一切人而作。傷心。已法等心。已為樂。其護者不墮一道。有利無利若譽若謗。若有名無名。若苦若樂。過世間之所有法。一切諸會不已為會。却諸外道降伏眾魔。是者難值。若優曇鉢花。時時可得。一切人而無倩者而為作倩。故名曰厚。其厚者乃致至泥洹。已無極上。僧那僧涅已深法。猛若如師子。已怛薩阿竭印而印之。所受決而無所礙。其作如所言。已諦法而審。其光明照於日月。十方莫不聞名者。一切諸佛無不救護。不令離法。悉皆守名深法滅。不斷三寶。其心功德通無央數剎土。其心淨潔。習其處而往還。到佛所無所失。常教道一切人。已入般若波羅蜜。遍和拘舍羅。則是頭隨人心所喜。以法教照各令得所索。知諸人相。所行隨所樂。喜不失其意。而作醫王之德。療於老病死。已供養過去無央數佛。其功德而致相諸種好。已過空無相無願之法。諸法無所。有。如幻野馬。如夢如水中影。山中之響。悉知一切之音聲。通入諸法各各能答。已成持諸所欲。以智慧曉了道事。已稍近尊十種力。肉眼慧眼道眼法眼佛眼。過度眾冥。盡入諸功德行。曉知菩薩之藏。其聞是法不復轉移。便得相印三昧。金剛行三昧。其法在所作三昧。

寶明持三昧。不捨一切人三昧。悉知一切心三昧。已得佛智慧。如佛所作為一切作。本已具足諸好。有菩薩名曰樂作。一復有菩薩名曰樂等有。二復有菩薩名曰寶手。三復有菩薩名曰明華。四復有菩薩名曰寶炎。五復有菩薩名曰喜見。六復有菩薩名曰意喜。七復有菩薩名曰喜以眼見。八復有菩薩名曰持地。九復有菩薩名曰歡喜作。十復有菩薩名曰大處廢。一復有菩薩名曰大利。二復有菩薩名曰辟魔。三復有菩薩名曰意樂香。四復有菩薩名曰人中之天。五復有菩薩名曰諦願。六復有菩薩名曰等視。七復有菩薩名曰盡見等不等。八復有菩薩名曰執御。九復有菩薩名曰一切無倩。而作倩之厚。十復有菩薩名曰彌勒。一復有菩薩名曰雨音。二復有菩薩名曰兩若山半。三復有菩薩名曰兩山鼎。四復有菩薩名曰慈行。五復有菩薩名曰光英。六復有菩薩名曰光聲。七復有菩薩名曰鑿明王。八復有菩薩名曰如當眼所見。九復有菩薩名曰光等知。十復有菩薩名曰尊官。一復有菩薩名曰天官。二復有菩薩名曰天眼。三復有菩薩名曰視處悉吉。四復有菩薩名曰快臂。五復有菩薩名曰諦議。六復有菩薩名曰安處意。七復有菩薩名曰安處度。八復有菩薩名曰無所動而度。九復有菩薩名曰金剛行度。十復有菩薩名曰三世行度。一復有菩薩名曰諦如事不異。二復有菩薩名曰持嚴欲好。三復有菩薩名曰不盡欲。四復有菩薩名曰不稽留欲。五復有菩薩名曰意音。六復有菩薩名曰淨音。七復有菩薩名曰

①首●②●③●④●⑤●⑥●⑦●⑧●⑨●⑩●⑪●⑫●⑬●⑭●⑮●⑯●⑰●⑱●⑲●⑳●㉑●㉒●㉓●㉔●㉕●㉖●㉗●㉘●㉙●㉚●㉛●㉜●㉝●㉞●㉟●㊱●㊲●㊳●㊴●㊵●㊶●㊷●㊸●㊹●㊺●㊻●㊼●㊽●㊾●㊿●

飽滿一切音<sup>八</sup>復有菩薩名曰文殊尸利<sup>九</sup>  
 如是等菩薩會者七萬三千人於三千大千  
 剎土釋梵護持世者一一豪尊諸天龍闍叉  
 毘陀羅阿須倫迦留羅真陀羅摩睺勒人非  
 人盡來會悉欲聞佛所說經提無離菩薩從  
 坐起整衣服叉手長跪而讚歎佛說俗者不  
 及道之明為世間而作本已過度於眾冥今  
 自歸度於世者以布施總持十種力已自伏  
 意并化餘人是則為度一切莫不供事者今  
 自歸於三界無能與等者<sup>一</sup>以相無所不饒  
 益其光<sup>二</sup>赤色若於金其音中和色甚殊好  
 無能與等者今自歸莫不供事者<sup>三</sup>以度而  
 度以降伏眾外道其智甚尊在於眾點之上  
 莫能有轉動者盡知一切之行其功德甚尊  
 今自歸無極之大哀<sup>四</sup>諸所欲於欲無所得  
 眾魔已索莫能當者其淨戒無所不安於諸  
 天一切則為天中天其意無所復著今自歸  
 莫能當者<sup>五</sup>其聞德莫不歡喜形像若寶其  
 見者無不愛樂於施與已離婬怒癡今自歸  
 其德若天無所不覆<sup>六</sup>以四諦過於四寶以  
 無眼者悉得視占所說法無涯底於三世行  
 為一切作本今自歸其足而有輪<sup>七</sup>其身者  
 為諸天一切人之所供事無男無女皆得而  
 依眾魔而不敢當則是天上天下之所特尊  
<sup>八</sup>以眾諦政法持於一切其心等慈無所不  
 遍為一切作導其法而等住今已自歸其德  
 無及者<sup>九</sup>其音柔軟清淨其聞者莫不悅心  
 其聲如梵無所不至一切諸音皆悉具足今  
 自歸於尊諦<sup>十</sup>已度空無相無願其智甚深

不可得根已入眾脫是為功德今自歸已得  
 脫者<sup>十</sup>悉知因緣而所生有之功德其見無  
 內無外用等故其知所說別於如作今已自  
 歸過度諸所可見<sup>十一</sup>亦無所從來無所從去  
 視諸法悉脫若幻野馬今自歸於法功德<sup>十二</sup>  
 所生無所生俱無生其有已滅無有盡時所  
 住如法如怛薩所入<sup>十三</sup>審如所說若法如怛  
 薩無所動轉其德若大山身者若金剛今自  
 歸安則若山<sup>十四</sup>身心意而適等其名流於三  
 世莫不聞者一切所問皆能報答惟不以煩  
 而肯說者願欲所問<sup>十五</sup>讚歎佛已儻肯說者  
 而欲問之佛言在所問提無離言何謂菩薩  
 以法自在說而莊飾身<sup>一</sup>何謂菩薩快深法  
 無所不入<sup>二</sup>何謂菩薩知一切人心<sup>三</sup>何謂菩  
 薩隨所喜而化<sup>四</sup>何謂菩薩心行而入<sup>五</sup>何謂  
 菩薩知因緣有所作<sup>六</sup>何謂菩薩而施與為  
 莊嚴持戒忍辱精進一心智慧<sup>七</sup>何謂菩薩  
 得在梵天<sup>八</sup>何謂菩薩其智甚尊<sup>九</sup>何謂菩薩  
 而常得勝<sup>十</sup>何謂菩薩從是得度<sup>十一</sup>何謂菩  
 薩於聲聞辟支佛一切人而示現法不入其  
 中<sup>十二</sup>何謂菩薩離於生死而不泥洹<sup>十三</sup>何謂菩  
 薩知一切人界不離法身<sup>十四</sup>何謂菩薩不離  
 本於離本而示現<sup>十五</sup>何謂菩薩而得尊貴其  
 福若帑藏<sup>十六</sup>何謂菩薩隨欲而得入道<sup>十七</sup>何謂  
 菩薩盡知諸法<sup>十八</sup>何謂菩薩所作常安諦<sup>十九</sup>何  
 謂菩薩於世間而行無所著<sup>二十</sup>何謂菩薩而  
 自在法端正莫能當者<sup>一</sup>何謂菩薩常不離  
 佛<sup>二</sup>何謂菩薩安諦而學<sup>三</sup>何謂菩薩意與法  
 無所取無所捨<sup>四</sup>何謂菩薩而護一切<sup>五</sup>何謂

菩薩至法輪轉<sup>六</sup>何謂菩薩乃至阿惟顏<sup>七</sup>佛  
 言善哉善哉提無離菩薩所問乃爾令一切  
 得所其在會者若當來悉為作導是摩訶衍  
 而得久住佛言諦聽諦聽今我所說則言願  
 樂欲聞佛言菩薩用四事而自在何謂四其  
 光明為一切無所罣礙<sup>一</sup>所有名寶其有索  
 者不為愛惜<sup>二</sup>若明經者說法而不中斷於  
 邊勸助<sup>三</sup>若有情令說法而不以難承怛薩  
 阿竭不可議踊躍而說之於菩薩事無所悌  
 望以法而施與<sup>四</sup>是名曰四事復有四事深  
 入諸法其慧所作不離功德何謂四於十二  
 因緣而真知之一如自惜身亦惜於人與身  
 無異<sup>二</sup>於生死亦不念有所從來有所從去<sup>三</sup>  
 一切諸法以空現空<sup>四</sup>是為四事復有四事  
 悉知一切人心其功德增減何謂四事以入  
 法身而無瑕穢<sup>一</sup>諸種好悉以現<sup>二</sup>以四事而  
 觀<sup>三</sup>其心無破壞便得三昧<sup>四</sup>是為四事復有  
 四事隨一切所行而教化之何謂四事其慧  
 而等一悉化一切人<sup>一</sup>觀知諸法<sup>二</sup>其心已淨  
 潔悉淨一切人心<sup>三</sup>是為四事復有四事知  
 一切人心化之所行何謂四事其智無所不  
 入<sup>一</sup>其慧無所罣礙<sup>二</sup>其心無有<sup>三</sup>睡眠諸  
 蓋已不復著<sup>四</sup>是為四事復有四事所作罪  
 福不忘何謂四事一切無所斷<sup>一</sup>亦無所著<sup>二</sup>  
 而知因緣所作隨其示現以法持法<sup>三</sup>亦不  
 念有我亦不念有人隨是教者不失道法<sup>四</sup>  
 是為四事復有四事以布施而莊嚴何謂四  
 事以相莊嚴<sup>一</sup>隨人所喜示現其好<sup>二</sup>其色甚  
 尊好<sup>三</sup>所作而不可盡<sup>四</sup>是為四事復有四事

用淨戒而為莊嚴，便為遮迦越羅，不忘菩薩心。一得作釋提桓因，以菩薩心而自莊嚴。二而作梵天，其心以菩薩而為莊嚴。三離一切惡道，但生天上世間，作人，以菩薩心而為莊嚴。四為四事，復有四事，忍辱莊嚴，何謂四事？其音如梵聲聞者，各得所，一其聲軟好，譬如迦陵。二一切莫不愛樂。三常於功德而堅固。四為四事，復有四事，以精進莊嚴，何謂四事？其身若金剛，諸邪不能得其便。一為一切而作厚。二所作事，具足辦而不中悔，學問無厭。三其心所求而悉具足。四為四事，復有四事，以禪自莊嚴，何謂四事？所作不抵突。一而不調戲。二不為弊惡。三自知而無異意。四為四事，復有四事，以智慧而莊嚴，何謂四事？不念有我，亦不念有人，亦不念有壽，亦不念有命，亦不著亦不斷。一所作甚尊。二一切所有無所不入。三一切諸法，無所復畏。四為四事，復有四事，其慧自致梵天，何謂四事？以空慈念一切。一教一切人，而以加哀。二總攬諸法，而已護故。三等於一切，亦不捨佛。四為四事，復有四事，不離於智，何謂四事？以四禪而住，不動轉於菩薩。一以四事三昧。三摩越，用遍和拘舍羅，故不生無色中。二自在心所說，不離法。三遍至十方，盡見諸佛。四為四事，復有四事，而自在，何謂四事？於內而自滅，於外亦自滅。一悉曉了諸法，如幻。二以慧為力。三不自貢高而得度。四為四事，復有四事，深入慧，何謂四事？知欲而不斷欲，不中道取證。一知生死以遍和拘舍羅，而在中。二所見悉知其政

道非政道，亦不捨所見。三知無點而親近。十二因緣。四為四事，復有四事，於羅漢辟支佛一切人，以法而示現，不於中有所悌望。何謂四事？視諸三昧，知若如幻。一曉了諸法，而嚴飾。二以旬自娛樂，所作審諦。三其心自知，譬如如幻。四為四事，復有四事，離生死亦不般泥洹，何謂四事？念諸佛故。一其心而等哀。二用遍和拘舍羅，故。三不忘本發心之願。四為四事，復有四事，而知一切人不離於法身，何謂四事？視一切人皆自然，諸人入法身亦自然。一知一切人而自然。二人自然慧，自然而不疑。三人自然泥洹，自然而得忍。四為四事，復有四事，亦不離本，於無本而見，何謂四事？常念泥洹，欲具足佛法，其意而遍知。一以身現遮迦越羅，梵釋於其中，現功德，令會者因是法。二以身現不肖，令劣者得作功德。三其有所求者，則施與，以身於尊貴，現於極豪，而往率化。四為四事，復有四事，持想入無想，何謂四事？生死無常，其心淨。一從本已苦，今已慧得。二視一切諸法，無我。三泥洹寂。四為四事，復有四事，離諸見法，何謂四事？清淨。一於慧眼無所不見。二佛眼者，悉在前立。三已度諸法印，阿惟顏。四為四事，復有四事，自在決諸疑，何謂四事？所欲無覆蔽。一入諸諦慧。二無所不覆。三不離諸陀隣尼。四為四事，復有四事，而隨習俗，無所著，何謂四事？盡知世事。一便度一切人。二已離憎愛。三以淨於本，無所沾污。四為四事，復有四事，而住法，何謂四事？其心自在。一其慧亦自在。二其智亦自在。三遍

和拘舍羅而自在。四為四事，復有四事，何謂四事？不離怛薩阿竭。一為一切讚歎佛形容。二教照人，令發心為菩薩。三常念於佛。四為四事，復有四事，寂而知諸法，何謂四事？以道盡知俗事。一切曉了諸慧。二於所聞無有疑，而得法忍。三不念有是無是，不隨俗人有所作。四為四事，復有四事，而為師，無所貪，何謂四事？為一切人作因緣。一其心質朴而無諛諂。二捨身之安而憂他人。三所求慧不用身故，但為一切。四為四事，復有四事，為一切作護，何謂四事？自捨身而憂他人。一悉捨諸樂，以法自樂。二所聞不以為解。三以法而自長養。四為四事，復有四事，當成輪轉，何謂四事？逮得陀隣尼，逮得自恣所欲。一而無盡滅。二自入其心於內，曉了諸法。三盡解他人。四為四事，復有四事，乃至阿惟顏，何謂四事？已度於生死，不離於菩薩。一便得無所從生法樂，忍故，受生死用不離法故。二已得阿惟致印。三已今得怛薩阿竭印。四今到十道地，以到十道地，從次第悉曉了，是為四事。佛說菩薩四事經時，三千大千刹土，六反震動，其光明無所不明，諸天飛在其上，以億百千種妓樂，而娛樂供養佛，雨於天華，皆言善哉善哉。佛從無數劫所行，今皆聞之，其在會者，其聞是法，從本已作功德，聞已便諷誦持，復為一切人廣說，其心未曾忘。菩薩如是輩人，所作亦當如佛，吾等已得是利，所以者何？逮聞是法，爾時諸天及人八萬四千，皆發阿耨多羅三耶三菩提心，萬二千菩薩皆得無所從



憂所已者是為上人。已入本故。法學者寂而寂。若說若不說。無所增減法者。所以故寂而無悵望。七空中之聲而不可獲。但可聞。無所說。若所說若所聞皆不誠。聞是音時。八千菩薩悉得無所從。生法樂忍。提無離菩薩問佛。是歎聲從所出。佛語。若問。佗真陀羅王。悉自為若說之。應時受言。便問。佗真陀羅。是歎聲所從出。則答言。從一切人聲。從彼出。復問。一切人聲。從所出。從空出。提無離菩薩則言。佗真陀羅。一切人聲。不從意出。佗真陀羅復問。提無離菩薩。是聲當從身出。為從心出。提無離言。亦不從身出。亦不從心出。何以故。其身不常住。故。譬若草不常生。若牆壁不常而住。會有僻時。其心無有形。亦不可見。亦不可聞。亦不可聽。譬若如幻。佗真陀羅復問。提無離。若無有身無心。是聲何從得出。則答言。一切從念自然而有聲。如仁說聲從念便有。今我歎聲因空而出。所已故。諸聲不離空故。佗真陀羅則言。如仁欲知聲者。皆因空自然有聲。但聞音而不可見。即時滅。其滅者亦空。故曰。自然。諸法所以等者。如空等故。其有所說無所說亦等。所以者。空等故。一切諸法。但可聞不可見。其所聞法。於聞不見其法。如法聲不見。是聲亦於法不現。諸法不可覺。所以聞者。已遍和拘舍羅。故而可聞。則亦無所聞。已遍和拘舍羅。知便於法。無所悵望。無所悵望者。是固要是固力。不復羸。便堅彊。無有能斷。無有能斷者。無有生。無有生者。無所屬。無所屬者。便已輕。已輕者。便淨潔。已淨者。便無垢。已

無法甚明甚朗。甚明者是心本。心本者為過其過者。知過已。已過者。便無有想。已過諸想。其處轉上。轉上者是菩薩忍。已得忍者。無所不忍。亦忍空。亦忍人。何以故。空亦不離人。何所是空。人則空。忍於無想。忍於有想。所以故。想者自然。而無想。亦忍無願。亦忍有願。所以故。其願想自然。無有願。本諸法。泥洹。亦復忍於生死。所以故。生死者。譬若如夢。菩薩得忍者。不疑有無。持一計而盡。知一切人。用得忍。故。知一切諸法。亦無所至。亦無所來。知諸法。悉住。已住於法者。知一切人。亦住。已入是法者。是為無所從。生法樂忍。但有音聲。其法忍者。亦無所語。無可說。其本者。亦復不可說。佛者。甚尊。不可說法。而令人得了。提無離菩薩。白佛。快哉。佗真陀羅所說微妙。曉了知深法。而得忍。能有一一尊。所有入忍而甚深。問佛。是王所作功德。已更幾佛。其所欲自恣。乃爾。佛語。提無離菩薩。可知。洹河邊沙。一沙為一佛土。盡索滿中星宿。是數可知。佗真陀羅所供事佛。其數不可計。提無離菩薩問。佗真陀羅。所供事佛。甚多。乃爾。合會功德。甚大。巍巍。何緣不疾成佛。佗真陀羅則言。菩薩用十事。無有厭足。何謂為十。供事怛薩阿竭。而無厭足。一。所作功德。亦無厭足。二。學問法。亦不厭足。三。四禪五旬。知亦不厭足。四。視諸法。亦不厭足。五。欲廣說法。亦不厭足。六。欲教一切人。亦不厭足。七。常欲護法。亦不厭足。八。欲具足諸波羅蜜。亦不厭足。九。欲感動化道。勸助亦不厭足。十。是菩薩十不厭足。佗真陀羅問佛。聞菩薩摩

訶薩有三昧。名曰寶如來。其得是三昧者。悉具足諸寶。其問者。所說法而自在。佛言。諦聽。所說。佗真陀羅言。受教。惟願聞之。佛言。菩薩不盡佛及法。比丘僧。用是三事。發心。便有八十法寶。何謂八十。其心不忘。薩芸若。是則為寶。一。其心不捨信。是則為寶。二。其心習諸功德。不懈。是則為寶。三。其心堅。其願不捨。是則為寶。四。其心所有。施與。無所愛惜。而復增益。是則為寶。五。其心所作。但念菩薩。是則為寶。六。其心莊嚴身。不犯身三事。是則為寶。七。其心淨者。其語無惡。是則為寶。八。其心莊嚴心。不念惡。是則為寶。九。其心已戒。莊嚴加身。不欲不念人惡。是則為寶。十。其心無所罣礙。等一切人。是則為寶。一。其心已忍辱。為莊嚴。忍一切諸惡。是則為寶。二。其心不愛惜身壽命。用菩薩故。是則為寶。三。其心無所憎愛。亦不搖動。是則為寶。四。其心堅固。精進而不懈怠。是則為寶。五。其心所作。皆欲成。是則為寶。六。其心所念。意行直。所作不忘。欲具足菩薩事。是則為寶。七。其心禪三昧三摩越。已發。是所作。便自在。是則為寶。八。其心求法。欲合會諸智。是則為寶。九。其心所聞法。而習誦。便有精進。是則為寶。十。其心所說法。無所悵望。度諸求。故。是則為寶。一。其心於法。無有虛飾。是則為寶。二。其心念正道。所作如事。是則為寶。三。其心所聞所作。如所聞。用審故。是則為寶。四。其心具足智慧。已不隨他人教。是則為寶。五。其心已無極慈。而自護。是則為寶。六。其心為無極哀。謂等一切故。是則為寶。七。其心無極護。已法自

①又作遍和俱舍羅。偏和拘舍羅。譯曰方便勝智。善巧方便。方便善巧。②

娛樂是則為寶<sup>八</sup>其心已無極等觀視諸法是則為寶<sup>九</sup>其心於生死不以為勤苦已入功德故是則為寶<sup>三</sup>其心欲教一切人多念於人不自念是則為寶<sup>一</sup>其心不乏已法分與人令得而學是則為寶<sup>二</sup>其心以大智無所不曉有神足無所不感動是則為寶<sup>三</sup>其心而親近迦羅蜜無所聞而學問是則為寶<sup>四</sup>其心遠離惡師而習功德是則為寶<sup>五</sup>其心等一切因是習無有二心是則為寶<sup>六</sup>其心知生死是則為病便入一切人意是則為寶<sup>七</sup>其心為一切作藥而愈諸病是則為寶<sup>八</sup>其心不輕易無智者用法尊故是則為寶<sup>九</sup>其心不自貢高而忍一切是則為寶<sup>十</sup>其心不諛諂是則為寶<sup>一</sup>其心所聞法不忘於法住故是則為寶<sup>二</sup>其心盡護諸法用念報諸佛恩故是則為寶<sup>三</sup>其心欲報恩用堅固厚故是則為寶<sup>四</sup>其心若有侵者而不念報是則為寶<sup>五</sup>其心樂於山間欲守法淨故是則為寶<sup>六</sup>其心常欲捨家欲作沙門至於正道故是則為寶<sup>七</sup>其心於道而自趣足自制而護惡是則為寶<sup>八</sup>其心知足令人各歡喜是則為寶<sup>九</sup>其心於世事知足者是不厭足於法是則為寶<sup>十</sup>其心自護不與眾鬧從事是則為寶<sup>一</sup>其心不厭足諸功德用諸相具諸種好是則為寶<sup>二</sup>其心不厭足於智慧欲決一切人疑故是則為寶<sup>三</sup>其心常念佛不離佛故是則為寶<sup>四</sup>其心常念法所說不離法故是則為寶<sup>五</sup>其心常念僧便至阿惟越致僧故是則為寶<sup>六</sup>其心常念戒不動離菩薩是

則為寶<sup>七</sup>其心常念施不貪身故是則為寶<sup>八</sup>其心常念天上便入一生補處是則為寶<sup>九</sup>其心盡知本索曉諸所有是則為寶<sup>十</sup>其心知法不壞法身故是則為寶<sup>一</sup>其心所作知如事盡知一切人之所語是則為寶<sup>二</sup>其心知自在飽滿一切人是則為寶<sup>三</sup>其心得陀隣尼所聞法無所忘是則為寶<sup>四</sup>其心知本法諸所有自然悉曉了是則為寶<sup>五</sup>其心護慧知其識如幻是則為寶<sup>六</sup>其心學審諦從是而得脫不壞所作是則為寶<sup>七</sup>其心護法欲知人自然是則為寶<sup>八</sup>其心知無常苦生死於三界無所著是則為寶<sup>九</sup>其心視諸法無有我用無人故是則為寶<sup>十</sup>其心入泥洹從本本寂復寂是則為寶<sup>一</sup>其心知空無相無願已度於脫近泥洹門是則為寶<sup>二</sup>其心無有生無有生無所壞無所滅其脫是者得忍是則為寶<sup>三</sup>其心知若幻如夢如野馬如山中響如水中影已堅固無所怖望是則為寶<sup>四</sup>其心喜知十二因緣已去著斷之事是則為寶<sup>五</sup>其心所見悉曉而不求不墮二是則為寶<sup>六</sup>其心不入二事以一事悉知法是則為寶<sup>七</sup>其心具足諸行而不轉還度於諸色名是則為寶<sup>八</sup>其心稍近已具法故是則為寶<sup>九</sup>其心合聚三十七品用度諸法故是則為寶<sup>十</sup>佛語佉真陀羅已習是八十事而具足便得寶如來三昧已逮是三昧者於道寶於欲寶無所住何謂欲寶何謂道寶欲寶者諸天及人人中之尊釋梵四天王遮迦越羅若尊者諸侯其一豪姓者於天上天下

各自有尊已得者則不如驕自於是中悅心為菩薩而欲得之是名曰欲寶道寶者以法度俗何所法而度俗者則道法何以故欲之所作皆因慧慧者則象道之法譬如眾流皆歸於大海須彌者諸山中尊月者眾星中大明日者明於眾冥若師子諸獸中之猛如王於眾而為上如釋於忉利而為尊梵者於眾梵而獨高以是慧尊於諸法故曰智慧王所以其欲度者因是而得度用安隱道故若冥持炬火而得明其作甚猛降伏眾魔作醫王調和諸藥作師曉知諸事若持弓弭箭在所射其箭無所不入若力士持兵有所擊應時無有全命者持是智慧擊於愚冥無有不盡者所以者何用去垢故其心而等無有異亦不與入有所諍亦無有能害者與人無有恨所作有究竟故其慧而忠實故能有所成作至誠是為止意一切平等是為斷因緣是神足合會諸功德是則為根所作後是則為力於無智而為智是則為覺視人道徑者是則為道已寂而寂向觀而觀於冥欲作明冥去是則為明是明之自然故無有垢故能淨餘脫於欲故能脫餘欲不可見已度諸界故無有諸界內已寂已過諸空用入空故已離諸所見是則無想無所求寂是則無願想已度三界已相無有相是為相其相與空等故所以者何以無求故是則為布施已度是我所非我所無希望是則為戒我無所住是則為忍無所持無所捨是則為精進無所增減是則為禪不可知處所是則為慧其所入一

切皆慧之所入，與漚和拘舍羅而相得故。譬如如夢，已無我為莊嚴，所作皆功德，已離無所住。佛語，侏真陀羅，是則慧寶。菩薩已具足是者，便逮寶如來三昧。譬若大海，悉含受眾流及寶，其名寶悉從中生。若菩薩得是三昧者，便含受一切人，是為合集諸法故。是者眾寶之明，是者眾寶之本，以是故三寶眾不知盡。提無離菩薩問佛，侏真陀羅王已逮得是三昧不。佛言，自從侏真陀羅而問，而為發遣，提無離則問，仁者已得是三昧。侏真陀羅報言，是三昧不作是住念，當得我者不得我者，是三昧無有能得者，是三昧亦無有色，而不可知。痛痒思想生死識亦不可知，是三昧不可已色見，亦不可聽聞，亦無所生相，亦無所盡相，亦無所有相，而可相相相，亦不可觀，亦不可視，其言我能視我能觀，不為三昧。何以故，有因緣想故。三昧者無有因緣想，三昧者等諸法故。已等諸法我亦如是，一切人等人，何以故，等一切空故。三昧者空相，一切人無有想，無有想是三昧相。一切人無有願，無有願是三昧相。一切人悉淨，悉淨是三昧相。一切人無有我，無有我是三昧相。亦不可得身，亦不可得細滑，亦不可得心，其有說我知法我見法，是皆不可得，所以故，不可從憐望得。提無離菩薩白佛，見侏真陀羅所被服從，姪女及妓樂，謂已姪女，不知所入法甚深微妙，所說自恣如法。佛言，菩薩已入深慧，曉了漚和拘舍羅，其道地如是無所不作。侏真陀羅所持琴而鼓之，其音莫不而聞，故七十億真陀羅

三十億犍陀羅，自隨者八萬四千夫人，悉發阿耨多羅三藐三菩提心。菩薩以是慧漚和拘舍羅，便致名及美人，而在尊位，用不可數人，故為作本。如人作火不益薪，知令滅不久。菩薩而獨住者，不能為人作本，以與人共，乃能益人。其欲作大火者，當益其薪，故能大明。菩薩以人為薪，乃能成大之光明。佛言，菩薩所受人多，各各得本。提無離問佛，侏真陀羅何以故能持伎樂音，而令人發阿耨多羅三藐三菩提心。佛言，侏真陀羅犍陀羅者，悉樂於伎樂，便以伎樂而樂之，各得歡喜，知得歡喜，便令聞佛音，聞法音，聞僧音，讚歎菩薩快，其德極尊，當以心習薩芸若，但聞布施持戒，忍辱精進，一心智慧音，慈哀護等，意止意斷，神足根力覺道，向觀禪惟務。三昧三摩越，皆聞是音，無常苦無我寂，亦復聞是音，空無想，不願，無生無所生，無生死，亦聞是音，復聞菩薩藏陀隣尼，金剛行三昧，淨水諸法，王印海印三昧，入一切諸法，自恣諸法三昧，莊嚴三昧，寶如來三昧，寶自然三昧，知禪三昧，歡喜三昧，令地悉作蓮華三昧，蓮華尊三昧，無所不遍入三昧，法池三昧，其意差特三昧，大電明三昧，師子明三昧，日明三昧，無央數因三昧，已入本三昧，金剛署三昧，金剛幢幡三昧，若金剛三昧，金剛濟三昧，如地三昧，若須彌三昧，若須彌住三昧，明華三昧，其心自恣三昧，知一切入三昧，一切所行其地，因是三昧，甚深全三昧，無央數說法三昧，開冥三昧，知一切人心行三昧，所樂三昧，生旬三昧，降伏魔三

昧，現諸色三昧，各入其音三昧，悉知一切人身三昧，法行三昧，慧地首三昧，地首三昧，見諦所有三昧，解諸縛三昧，悉入諸因緣三昧。佛說侏真陀羅經卷上。

佛說侏真陀羅所問如來三昧經卷中

後漢月氏三藏支婁迦讖譯

佛言，其侏真陀羅妓樂音聲如是，用是音故，令人發菩薩心，是者其德甚厚。佛說侏真陀羅功德，爾時其在會者，衣祴<sup>ヒヤ</sup>上皆化，自有華皆起，持是華，散侏真陀羅上，則時侏真陀羅以右肩，悉受華，其華不墮地，便持是華，供養散佛上，其華於佛上，便化作珍寶華蓋，覆蔽千佛刹，其華蓋者，一一處懸億百千珠寶，其一珠光明出億百光明，一一明者，有一蓮華，其色若干，其香甚香，其一蓮華上，有坐佛，如釋迦文，皆言善哉善哉，仁者侏真陀羅所化人甚多，皆發阿耨多羅三藐三菩提心，是菩薩之所作，已度界，已界亦現過於生死，復見如故，住於泥洹三界而行，用一切人故。侏真陀羅念諸坐佛，欲持寶華蓋，遍覆其上，應時坐三昧，其三昧名嚴蓋，則時諸坐佛上，皆有華蓋，及諸菩薩比丘僧，其會者各各有華蓋，以手擁蓋柄，諸菩薩比丘僧會者，皆持華蓋，供養上諸佛。侏真陀羅復念，欲請佛及諸化佛及菩薩比丘僧到香山，自是其所居處，欲令宮室及諸天鬼神一切，聞說法時，皆得安隱，令悉見供養佛，可已為本，因是便可得

福。佉真陀羅便從坐起。已。頭面著地。為佛作禮。白佛。惟怛薩阿竭。及菩薩諸比丘僧。到香山。就其請處。欲以飯食供養七日。令一切人得增益功德。佛即時默聲。已。受請故。佉真陀羅則時歡喜。使已。所從中宮八萬四千人。皆鼓琴作伎樂。供養佛。作禮而去。還歸香山。莊嚴宮舍。縱廣三萬里。令受佛及俱來者。其地牆壁紺琉璃色。以天金分布其間。無央數寶。以雜廁其中。悉具諸床座。其足者悉名寶。以天繒為統。緹為佛作座。而高二千三百里。相持珍寶。而莊嚴之。周匝欄楯。皆以眾寶。皆懸繒幡蓋。燒名殊香。上有帳幔。悉覆其上。以天華散遍其地。近佛座處。而有四樹。皆寶。佉真陀羅自呼官屬及中宮。便言。佛者難值。譬若華優曇鉢。今已得之。當好供養。各棄諛諂。嫉妬及貪。其亂者。當正心。當至心。供事。皆當具華名殊。絕好。當以奉上。名香及栴檀。於香山而熏之。今所當事。是一切之尊。所作妓樂。調和其音。當令悲好。其佉真陀羅所樂者。當作是供人中之人。華蓋繒幡。及天衣。殊好軟者。其色無數。當用是而奉上。佛者難值。其供事佛者。後生天上。作四天釋梵。其作是者。便至此。得其色端正。命則長壽。所生甚尊。便得自在。其貌無輩。所聞則得。其供佛者。便得此德。若天上世間。常得安隱。其欲得是身。常得休息。是皆供佛所致。其欲得辟支佛聲聞菩薩道。為作是者。便能降伏眾魔。佉真陀羅為諸官屬中宮。說是。受其教。具諸華香。調作百味之食。便住香山之南。與諸妓樂。俱皆令而作。

鼓諸琴瑟。所作已辦。願及用時。其音皆雅悅心。一切欲令安隱。莫不歡喜。其貌常淨。笑對一切。其尊無蓋。諸天阿須倫。莫不供事。惟願用時。屈神到是。一總持十種力。其力常勝。莫能當者。降伏外道。益於一切。其意已淨。棄於眾垢。惟願用時。勞於尊神。二其身不受一切之塵。其功德不可勝數。其意甚尊。無有極。所生甚豪。行步莫能與及。逮之者。三道之惡。已永無有。所行無行。已悉捨行。其有見者。莫不歡樂。三其明過於日月星辰。及釋梵之明。而不敢當。其明過於三界之上。其明見者。若在冥中。見於燈火。莫不歡喜。諸所有明。皆悉為蔽。其明無所不明。諸天龍所有。妓樂不從其樂。而可得脫。日益垢濁。其聞佛音。莫不得脫。其垢便除。十方諸醫。不能除人心之垢。佛則是醫。所語聞者。心垢則除。便得安隱。佛者實尊。尊中之尊。莫能與等者。所語悉淨。無有異。諸所有惡。莫不為伏。惟願用時。勞其尊神。本已布施而行。今已住於布施。當以法而施與。本已行淨戒。自致得安隱。伏意而忍辱。得成。惟願用時。勞於尊神。住於精進。已禪旬。而自娛樂。其心意已住。以智慧光明而見。心常而歡悅。惟願用時。勞屈尊神。其心慈哀。等於一切。已受過諸限。其功德過於梵。已佛故。而得住。惟願用時。勞屈尊神。則時佛告諸比丘僧。各令護鉢。當就其請。盡七日。及護寺者。提無離菩薩。自念。欲作交露車。縱廣四百里。其中悉有蓮華。欲令佛及諸菩薩比丘僧。各各坐一蓮華之上。到香山。則時三昧應時。便有如。

所念。白佛。今有交露車。願就之。佛便坐蓮華上。其座高四丈九尺。諸菩薩及比丘僧。各各坐蓮華之上。如所言。所以者何。惟加哀我。各坐已竟。則時以右手。自以神足。而擊舉之。諸欲天子。諸色天子。見提無離菩薩。所作威神變化。乃爾。各以其妓樂華香。而供養。隨到香山。佉真陀羅遙見佛。在交露中坐來。見已。便令八萬四千真陀羅。捷陀羅。皆持華香。而鼓琴瑟。作其唱樂。而趣前迎佛。便相將入宮。到其處。所佛就其座。諸菩薩比丘僧。各各悉坐。佉真陀羅。語釋梵四天王。今具已辦。各各布之中宮。一切各持飲食。而悉供養。飲食已竟。行澡水訖。佉真陀羅。以机坐佛前。聽佛說經。佛語提無離菩薩。菩薩奉行檀波羅蜜。凡有三十二事。清淨行之。何謂三十二事。一者菩薩布施。欲求佛發心為本。二者菩薩布施。當離羅漢。辟支佛道。三者菩薩布施。念欲度脫十方人民。四者菩薩布施。與人心不悔。五者菩薩布施。與人視之如佛。六者菩薩布施。與人心無慳貪。七者菩薩布施。與人心不亂歡喜。與之。八者菩薩布施。與人手自斟酌。九者菩薩布施。與人意廣不殆。十者菩薩布施。與人不求欲有所生。十一者菩薩布施。與人不從中有所悒望。十二者菩薩布施。與人不有所置。隨佛經教。十三者菩薩布施。與人樂佛經故。十四者菩薩布施。與人欲求佛道故。十五者菩薩布施。與人不貢高。十六者菩薩布施。與人欲勸勉教人故。十七者菩薩布施。與與人欲度脫人民。十八者菩薩布施。與人欲。

持經法教人民故。十九者菩薩布施與人。隨佛教故。二十者菩薩布施與人。欲降伏魔官屬故。二十一者菩薩布施與人。欲求成就得佛故。二十二者菩薩布施與人。欲求為人中雄猛故。二十三者菩薩布施與人。欲閉塞餓鬼道故。二十四者菩薩布施與人。欲使後世習布施故。二十五者菩薩布施與人。後世欲得豪貴富樂故。二十六者菩薩布施與人。世世得菩薩道故。二十七者菩薩布施與人。常欲與善師相隨故。二十八者菩薩布施與人。欲使世世和顏向十方人故。二十九者菩薩布施與人。欲成佛道之本故。三十者菩薩布施與人。欲及成就菩薩故。三十一者菩薩布施與人。欲得三十二相八十種好故。三十二者菩薩布施與人。欲成境界莊嚴。欲向佛入諸經法故。是為菩薩清淨布施三十二事。菩薩行檀波羅蜜如是。

菩薩清淨行尸波羅蜜。凡有三十二事。何謂三十二。一者菩薩身所行常清淨。是為持戒。二者菩薩離慳貪。瞋恚愚癡。口所言淨潔。是為持戒。三者菩薩心作明慧。不欺於佛。是為持戒。四者菩薩不隨外道奉行十事。是為持戒。五者菩薩生天上世間。常不離佛道。是為持戒。六者菩薩離羅漢辟支佛。心去調戲。是為持戒。七者菩薩遠離諛諂。入佛智慧。是為持戒。八者菩薩多學智慧。心為第一。是為持戒。九者菩薩極大慈哀。向於十方。是為持戒。十者菩薩遍護十方人。悉具足。是為持戒。十一者菩薩未嘗犯禁。離於慚愧。是為持戒。十

二者菩薩不毀缺所行身常畏慎。是為持戒。十三者菩薩不中道犯行。違戾本心。是為持戒。十四者菩薩自守不犯眾惡。是為持戒。十五者菩薩隨明人之教度脫惡道。是為持戒。十六者菩薩持戒生天之本。是為持戒。十七者菩薩常堅持戒。不犯佛教。是為持戒。十八者菩薩不自貢高。輕侮他人。常自制止。是為持戒。十九者菩薩能自制心。不隨愛欲。是為持戒。二十者菩薩持戒不失得佛諸經。是為持戒。二十一者菩薩持戒有信。勸助樂不欺。是為持戒。二十二者菩薩不犯慳貪。是為持戒。二十三者菩薩持堅住隨法教化。是為持戒。二十四者菩薩棄捐財富。常欲作沙門。是為持戒。二十五者菩薩習樂於空閑之處。樂於經法。是為持戒。二十七者菩薩不貪飲食衣被。欲入道故。是為持戒。二十八者菩薩斷截諸惡。成諸功德。是為持戒。二十九者菩薩暴露專精。遠離姓族。守功行德。是為持戒。三十者菩薩入深法行。無所附著。是為持戒。三十一者菩薩隨次第法行。十二因緣。是為持戒。三十二者菩薩不隨諸外道。遠離四顛倒。是為持戒。是為菩薩清淨持戒三十二事。菩薩行尸波羅蜜如是。

劣當哀傷之。是為忍辱。六者菩薩不輕易無教之人。是為忍辱。七者菩薩雖自豪尊。為人所易。是為忍辱。八者菩薩為人所剝割。不瞋不怨。是為忍辱。九者菩薩無瞋恚。恨意於人。是為忍辱。十者菩薩為人所敗。令就小道。心不迴轉。是為忍辱。十一者菩薩樂信佛道。其心不懈。是為忍辱。十二者菩薩心不動亂。清淨而住。是為忍辱。十三者菩薩未嘗持瞋恚。向人。是為忍辱。十四者菩薩護他人。心令不得起。是為忍辱。十五者菩薩常以柔軟之心向人。是為忍辱。十六者菩薩常持慈哀之心向人。是為忍辱。十七者菩薩不恃自貢高之心向人。是為忍辱。十八者菩薩為十方天下人下屈。是為忍辱。十九者菩薩不持忿行向人。是為忍辱。二十者菩薩自守無所犯負。是為忍辱。二十一者菩薩常自制心。令意不起。是為忍辱。二十二者菩薩自有過失。能自悔責。是為忍辱。二十三者菩薩不持他人長短。是為忍辱。二十四者菩薩常樂念佛道。是為忍辱。二十五者菩薩常樂解於經法。是為忍辱。二十六者菩薩常愛樂十方人民。是為忍辱。二十七者菩薩常欲施與十方人民。是為忍辱。二十八者菩薩常持和心向人。是為忍辱。二十九者菩薩常熹勞來於人。是為忍辱。三十者菩薩常隨經法。不中斷絕。是為忍辱。三十一者菩薩聞有三不活。不恐不怖。是為忍辱。三十二者菩薩無所從生。樂喜智慧。是為忍辱。是為菩薩清淨忍辱三十二事。菩薩行尸波羅蜜如是。

①及(○)反(○) ②三不(○)元(○)三(○) ③活(○)治(○) ④輕易也。慢易也。即輕忽之意。 ⑤大樹緊那羅王所問經2卷347上6。順三脫門是名知忍

菩薩清淨行精進波羅蜜凡有三十二事。何謂三十二事。一者不斷佛道。是為精進。二者不斷經法。是為精進。三者不斷比丘僧。是為精進。四者度不可計人。是為精進。五者受不可復計死生心不殆。是為精進。六者當供養無央數佛無厭極。是為精進。七者當作不可復計功德。是為精進。八者當學不可復計經卷。是為精進。九者悉當教十方天下人。是為精進。十者成就十方天下人皆使得佛道。是為精進。十一者當為十方天下人給所當得。悉當從與之。是為精進。十二者自身所有好物持施與人。是為精進。十三者諸禁戒悉當護持。是為精進。十四者忍辱之力悉當柔弱。是為精進。十五者諸禪三昧悉當具足。是為精進。十六者諸智慧悉令具足。是為精進。十七者諸佛境界所行功德。自莊嚴作佛時境界。是為精進。十八者欲求極大力。是為精進。十九者悉降諸魔及官屬。是為精進。二十者持佛經法。悉降伏餘外道。是為精進。二十一者十種力四無所畏。諸佛經法悉欲得具足。是為精進。二十二者莊嚴身口心。是為精進。二十三

者未嘗懈怠。是為精進。二十四者所作為事。悉當究竟。是為精進。二十五者心常當猛健。是為精進。二十六者悉棄捐諸愛欲。是為精進。二十七者諸未度者悉當度之。諸未聞經者悉當使聞之。諸未般泥洹者皆令當得般泥洹。是為精進。二十八者一一相者。輒有百福功德。悉當具足。是為精進。二十九者諸佛經法悉當護之。是為精進。三十者不可復計諸佛境界。我悉當知。是為精進。三十一者世世常當見無央數佛。是為精進。三十二者遠離從精進出生。遠離身心無形亦無所住。亦無所出亦無所入。亦無所生。是為無所生樂住。是為菩薩清淨行精進波羅蜜如是。菩薩清淨行禪波羅蜜凡有三十二事。何謂三十二事。一者所念無所犯。是為淨。二者所持不缺。是為淨。三者所分別不忘。是為淨。四者去離調戲。是為淨。五者自守知足。是為淨。六者心不邪念。是為淨。七者勸人作功德。持用索佛。是為淨。八者不犯六事。是為淨。九者適無所著。是為淨。十者自觀內外。是為淨。十一者悉具五句。是為淨。十二者心常柔軟。是為淨。十三者不著於身。是為淨。十四者內行定。是為淨。十五者向入佛道。是為淨。十六者遠離於惡人。是為淨。十七者智慧明所入。是為淨。十八者悉入所因功德。是為淨。十九者悉令經法本樂。是為淨。二十者隨次第入行。是為淨。二十一者智慧恩不轉。是為淨。二十二者漚和拘舍羅所成。就是為淨。二十三悉欲具足佛事。是為淨。二十四者悉哀苦人。是為淨。二十五者不與羅漢辟支佛從事。是為淨。二十六者稍稍樂入深智慧。具足是為淨。二十七者所作功德不厭。是為淨。二十八者一切人本無有人信。是事是為淨。二十九者悉得佛三昧不亂。是為淨。三十者悉入十方天下人所念事。悉見是為淨。三十一者悉知十方天人。身事是為淨。三十二者譬如醫王。悉愈人病。菩薩持經法。悉愈十方天下人生死

老病。是為淨。菩薩行禪波羅蜜清淨如是。菩薩行般若波羅蜜凡有三十二事。何謂三十二事。一者欲得佛諸經法無厭時。是為高明。二者隨次念諸經法。是為高明。三者智慧解點。是為高明。四者所因法不滅智慧。是為高明。五者入點守解五陰。是為高明。六者以點慧承經法解於本端。是為高明。七者阿伊檀拘舍羅持智慧解。是為高明。八者十二因緣拘舍羅稍稍覺知。是為高明。九者四諦拘舍羅悉知。是滅。是為高明。十者稍稍入慧拘舍羅制不隨泥洹。是為高明。十一者內觀皆悉曉知。是為高明。十二者故受化生死當悉曉知。是為高明。十三者諸經法無所從生。悉當曉知。是為高明。十四者一切人本端無形。本自淨。隨世間習俗而入度十方人。是為高明。十五者一切法為一法耳。本端者泥洹也。是為高明。十六者一切境界為一境界耳。何以故。本自空故。是為高明。十七者一切佛為一佛耳。何以故。法身所入不可計故。是為高明。十八者一切事不悉見說。何以故。各各有字拘舍羅。悉當知。是為高明。十九者無所罣礙。護智慧。不可計十方天下人來問。悉能報。是為高明。二十者悉得諸經法。未嘗有忘。用得陀隣尼故。是為高明。二十一者悉覺諸魔事。覺者當即遠離。是為高明。二十二者一切法如幻。譬如人假著籠軀。須臾脫去。一切無所有。亦如是。是為高明。二十三如夢中所見及水中影。深山音響。一切法皆如是。是為高明。二十四者一切法皆空。本無所從來故。是為高明。

二十五者十方天下人心所念，智慧悉至，悉知其本，是為高明。二十六者持漚和拘舍羅威神之，力入泥洹，後復來出現生死，是為高明。二十七者空無想無願，一切法隨教，悉見度脫，是為高明。二十八者本端定無定無所見，一切法悉了其本，何以故？一切法無所持無所著，是為高明。二十九者悉得明無有癡冥，悉得智慧光焰，為十方天下人說經法，悉度脫，是為高明。三十者一切生死本無所從來，去亦無所至，悉曉知隨習俗入，而為十方人說法，更生更死，示現如是，是為高明。三十一者四事不護，智慧悉至，遍皆悉知，是為高明。三十二者為十方人說經法，從次第隨人所喜樂為說之，當自制心自護智慧，悉具足成就諸佛，悉遙見是，高才為菩薩，持佛威神，為悉擁護，是般若波羅蜜。三十三事清淨如是。

菩薩漚和拘舍羅所行有三十二事，何謂三十二事？一者教十方天下人自護身，二者福多者亦不於中住，福少者亦不於中住，三者教十方天下人民，索菩薩道者，當教不索菩薩道者，不教，悉視如師，無異。四者常欲多珍寶財物，施與眾人。五者常樂求羅耶多教於人。六者示現母人身，欲多教母人。七者示現年少教化小兒。八者示現若干種人，用哀世間人故。九者世間有狂亂者，亦現狂身安隱度之。十者若有亂心煩憤，隨其煩憤為說經道。十一者隨十方人所喜，持法往度之。十二者持禁戒百歲若千歲，若有人所欲喜捨戒往教度之。十三者隨人所好喜，被服諸音伎

樂，持施與之人，得莫不歡喜，因持經法往教之。十四者頭陀沙門，各異志行，隨其法行，往教之。十五者尼捷波和及餘外道，隨其種類而入教之，引著佛道中。十六者於諸婬女人中，示現端正化婬女人，獨尊悉教諸婬女人，令不婬，及復化作男子，稍稍內佛道中。十七者若大會作諸音樂時，有觀者聽音樂之聲，一切人大歡喜，持諸音樂聲說經法，其有聞者，莫不得度。十八者世間工師伎道，化身悉入其中教化，令為佛道。十九者示現般遮旬世間有貧窮羸劣者，指示地中伏藏財物，施與貧窮人，竟為說經法，皆令發意。二十者世間有死喪號哭愁毒者，亦復化現威神，亦復愁毒化教愁毒人，令為經道。二十一者世間亡財物，菩薩化示伏藏財物，教令為道。二十二者若有侯王若有傍臣，若有迦羅越儻有無子愁毒者，便化入腹中作子，各為父母家室，說經令得度脫。二十三者於賈人中最尊貴，中道資糧乏絕，便現威神，給與伴人漿水飲食，令飽滿，以為說經道。二十四者若有人墮地生盲，若百人若千人若萬人，亦復持威神現盲人，悉復給示與衣被飲食，所當得，悉使盲人得眼視，莫不歡喜，如是稍稍為說經法，皆使發意求佛道。二十五者於大城中，若有見囚徒拘繫牢獄，亦復化現作囚徒，亦復各各在其中，持威神之力，悉使繫者得洗沐衣被飲食，悉為說經，皆令發意索佛。二十六者若有死罪，將詣城外，菩薩便持威神之力，隨其人數，以化人補其處，將人持去，其人得

脫，大歡大喜，便飲食，令飽與衣被，為說經道，其人得脫喜樂，皆發意求佛道。二十七者若有鬪諍變訟，若諍錢財，若諍田宅，菩薩於中央兩分和解，若有不足持錢財，義為和解，給足與，却後為說經道，令發意索佛道。二十八者漚和拘舍羅菩薩常端正，示現於人作醜惡，二十九者現身作可憐沙門教人，轉復作白衣行教人，三十者菩薩行漚和拘舍羅，遠離在外餘道，隨其被服言語於其眾中，誹謗佛，誹謗法，誹謗比丘僧，稍稍持經法教化，引著佛道中。三十一者稍稍教人般泥洹，亦復隨之般泥洹，即復化出異方現。三十二者行漚和拘舍羅菩薩，自在所喜而化現，若化出作羅漢，若復化出作辟支佛，若復現作菩薩，若復化現作佛，是為漚和拘舍羅三十二事清淨如是。佛說般若波羅蜜時，佉真陀羅及眷屬，及諸天龍，閱又捷陀羅，九萬三千人，悉發阿耨多羅三藐三菩提心，與佛俱來者，八千菩薩，悉得無所從，生法樂忍，佉真陀羅王得明慧三昧，聞佛所說歡喜踊躍，則以天繒貢上於佛，是間不能平其價數，則時佉真陀羅宮室八千人，以千葉華蓋，以貢上佛，佛以威神，令華蓋悉在虛空，置佛頭上，合為一華蓋，縱廣四千里，佉真陀羅子及諸夫人，見是威神變化，悉發阿耨多羅三藐三菩提心，皆對佛，惟怛薩阿竭教照吾等，令成阿耨多羅三藐三菩提，作是言時，佛則離地百四十丈，坐於虛空，從身放光明照三千大千之刹土，佉真陀羅摩休勒諸所有眷屬，及諸欲天子，

諸色天子所有唱伎樂不鼓而自鳴於香華之山諸華果樹悉作琴聲其音甚好佛舉身毛一一毛皆放光明有蓮華一一蓮華有菩薩坐皆有三十二相用佛威神故諸伎樂聲但聞說經皆作難經之音如人所疑諸蓮華上坐菩薩皆發遣難經之問決諸狐疑

諸音而作聲云何發菩薩心行而不忘自致坐於佛樹一菩薩報言其心歡於一切便有無極大慈以是之故不忘二其音復作問其意云何所因云何云何已無極大慈而生三菩薩報言其意不諂所因如慧無極大慈者致於泥洹四其音復問所施與云何已與云何從而不懈所作云何不求有所生云何作菩薩願五菩薩報言所有物而不愛惜既與便無有悔意常念菩薩道故不求有所生處六其音復問所作淨戒云何於戒而不自貢高云何教失戒者何從自致至摩訶衍七菩薩報言其有善心便有淨戒知一切法空故不貢高作無極大慈故能教失戒者八其音復問若有罵詈搥捶欲殺者當云何有忍辱其意云何不起而有悅九菩薩報言當念我作佛時為一切人作醫王其病者我當愈之是以是故能忍辱其有罵詈搥捶欲殺者其意不起而有悅十其音復問精進云何而有究云何不殆成菩薩行十一菩薩報言精進者用法故欲護一切故而有究曉了空事故不殆十二諸音復問其意當云何而令備足其心如深入云何於禪而自知無所希望十三菩薩報言其心不迷故能備足其心不諂故如深入

用遍想拘舍羅故能禪以是故無所希望十四諸音復問云何得智慧所見而直行云何具法慧業當云何而決疑十五菩薩報言慧學問者增於智慧曉知十二因緣故能直行慧以法施與故決諸疑曉知其本十六諸音復問云何而多智能自致是以聞云何而教人而自致得尊十七菩薩報言常謙損故多智所聞如作乃能致是以法施無所悵望故能至尊十八諸音復問其慈者而云何乃至無極之大哀云何具護等云何得至梵天十九菩薩報言其等心是則慈不厭極是則護因是其心歡喜悅故能至梵天二十諸音復問云何菩薩能見佛見已云何而歡喜云何聞法而不疑二十一菩薩報言其心常念佛故能自得見聞法其心而淨潔故能無疑二十二諸音復問云何功德而可集云何其慧而可合云何向觀而可知如是之事云何求二十三菩薩報言於功德無厭足是故集學問無有厭故能致其慧其心不亂無所念是故為向觀二十四諸音復問臧者云何其處云何其行云何所緣二十五菩薩報言臧者空無所有其處者波羅蜜四禪是其行所緣度一切二十六諸音復問何謂魔事何謂佛事云何所作至菩薩二十七菩薩報言無有膽而怯弱是故為魔事隨摩訶衍心是故佛事悉捨眾惡故致菩薩二十八諸音復問云何當親近於迦羅蜜漢云云何離於惡師云何而等住云何而捨二十九菩薩報言其教導菩薩道是則為迦羅蜜令離菩薩心是則為惡師所作而自知是故為等住捨外道諸邪是則為政三十諸音

復問云何可護諸法云何可教一切人云何為遍和拘舍羅令成菩薩道三十一菩薩報言精進故能護法遍和拘舍羅故能教人隨人有無若道若俗而為開導故成至菩薩道三十二諸音復問云何所作而用慧云何是魔事云何而謹勅不失時三十三菩薩報言所作令無罪是故慧所作而非法是為魔事常隨其教是則為謹勅常有謙損為人之所敬三十四諸音復問其道者云何非道者云何云何造人令人入道三十五菩薩報言六波羅蜜是故道其急者是聲聞辟支佛事是故非菩薩道曉了般若波羅蜜遍和拘舍羅故能造人令人入道三十六諸音復問何謂為利云何是鎮云何能令勤苦人而令得歡喜三十七菩薩報言其得者七覺意其法者是則利其鎮者是則陀隣尼所教已法無飢渴是則為歡喜三十八其音復問何所是菩薩父母何所是親屬何所是眷屬何所而有好三十九菩薩報言慧則為母法則為父三十七品是親屬其功德是則為眷屬四故能於一切而有好四十諸音復問何從可知無我何從可知慈而念一切無我與慈云何等令如稱四十一菩薩報言曉了空事乃知無我是則為大慈知一切人皆空故四十二一切生死無有生死亡法令然其知是者亦復生死四十三其諦者亦無有往無有還者亦無有住其作是者便能至道四十五空無有相無有願已去求則為一相已知者曉了五陰空故無有想無有想故無願一相而無數四十六事五陰則空已知觀故五陰亦知觀一切人悉空亦不有亦不無四十七智慧則

為護空、漚和拘舍羅護一切人，已無極大慈而教人已故，可至泥洹。<sup>四十</sup>諸音復問：無有生故，無所有一切諸法如是。<sup>九十</sup>何所生知微妙而生死？<sup>五十</sup>菩薩報言：無所生故，無所有一切是故慧之滅，用漚和拘舍羅微妙故，有生、死。<sup>五十</sup>諸音復問：何謂而得決，何謂不復還，云何而得忍，云何而無疑？<sup>五十</sup>菩薩報言：等住而得決，已入法身不復還，已得無所從生法樂，忍便無疑。<sup>五十</sup>諸音復問：何謂佛樹，何謂菩薩相，何緣佛名為佛，何謂名為怛薩阿竭？<sup>五十</sup>菩薩報言：佛樹者，普若天無所不覆，習諸法是菩薩相，是故名曰佛，以智故於心無所希望，其身亦爾，故名怛薩阿竭。<sup>五十</sup>

佛說侏真陀羅所問如來三昧經卷下

後漢月氏三藏支婁迦讖譯

侏真陀羅諸子聞是法得歡喜，信忍，各各解身上珍寶以供養上佛，各各說言：今用吾等故，以是所有上佛，今還得聞諸法，各各白佛：甚可奇，是伎樂之音乃作是問，諸坐化菩薩悉決其難，其在會者皆無狐疑，為我等開無央數冥而令得明，是者誰之所致，令諸伎樂音乃作是難問，諸坐化菩薩而皆發遣，悉為解之，佛言：皆怛薩阿竭之所致，若我欲令空而作音聲，常可致，何況伎樂及諸樹，以是故怛薩阿竭所作不可計，侏真陀羅諸子皆言：令一切人皆如怛薩阿竭，及侏真陀羅八萬

四千夫人，各各持天珠而奉上佛，則時散佛頭上，便化作八萬四千交露帳，其中悉有床具，足皆珍寶，皆布天繒，以為綉縵，諸交露帳中悉有坐佛，其佛皆三十二相，諸種好悉具，八萬四千夫人見是變化，莫不歡喜，皆發阿耨多羅三耶三菩提心，皆踊躍合作一音，而嘆怛薩阿竭，已自淨復淨他人，悉去無垢，無所著無所污，其明甚好，其眼如優鉢華，今自歸明，若如月，一其歡者莫若如見佛，佛為一切莫不斷其罪，所語其聞者莫不歡悅，常愛樂於廬野，以眾寶而合成，悉覽持法寶藏，今自歸無所不度者，<sup>二</sup>若度水以到岸，却外道伏諸邪，其淨於蓮華，以空率化，以諦教道，今自歸歡喜者，<sup>三</sup>度四寶已四諦而率人，於世間行與人眼，足下輪有千好，今自歸音安好，<sup>四</sup>其身過於人，為一切而說之，其有力無與佛等，今自歸十種力，<sup>五</sup>而斷欲有所得而不喜，無所得不已憂，於世間開盲者如冥中然燈火，<sup>六</sup>已伏心致十種力而施與，自娛樂身已伏寂而度，今自歸而無何，<sup>七</sup>其相者而甚尊，在於一切為之上，為一切示現，莫不得其本，其忍及慈已自娛樂，今自歸為尊所敬，<sup>八</sup>若船師無所不度，佛者是即尊，燒三毒壞絕眾冥，一切愚闇皆蒙其恩，莫不來供，今自歸寂諸惡已盡，<sup>九</sup>光而七尺色若如金，其音甚大聲而清淨，於人之上是則為尊，今自歸為一切而作本者，<sup>十</sup>貢高諸冥已悉除去，度於一切自守如道，為眾作導，所語悉諦而無有異，今自歸於冥而作明，<sup>十一</sup>其祠祀而甚大故

名字，而悉聞其法說如所言，其所聞莫不遍，今自歸歡喜，<sup>十二</sup>大已住其處，降伏貢高自用者於一切而無所著，故知而極尊，今自歸脫人之欲者，<sup>十三</sup>其聲甚好音聞梵天，悉知罪福去人之垢，曉知五陰，所作得重，莫能等者，今自歸去諸穢垢，<sup>十四</sup>其心悉等將護一切，已率其意，其知無所不曉，已住於道，所作悉正，所教皆諦，莫不得脫，今自歸所知而時，<sup>十五</sup>為人示導其德軟好，其聞音者莫不解釋，眾魔甚多，莫不而伏，一切悉過，自用諸所貢高，今自歸已去眾惡，<sup>十六</sup>諸有附者莫不隨教，皆而來敬，莫不供者，其佛難值，所入微妙，其來問者莫不喜悅，今自歸其德無輩，<sup>十七</sup>其意己力無所不曉，於好醜其心適等，已堅住其處，莫能動者，今自歸已總諸力，<sup>十八</sup>其手足而有網足，下有輪，脫諸生老死常勝一切，今自歸其德如天無所不蓋，<sup>十九</sup>則時侏真陀羅夫人讚嘆已竟，各各復問，雖發阿耨多羅三藐三菩提心，難以母人自致，阿耨多羅三藐三菩提，<sup>二十</sup>佛言：以一事離於母人，疾得男子，至阿耨多羅三耶三菩提，何謂一事，以發薩芸若作無央數功德而不忘，是為一事，復有二事，母人疾得男子，自致阿耨多羅，何謂二事，所作如所語，不事諸天，但歸於佛，所作如正不信於邪，是為二事，復有三事，母人疾得男子，自致阿耨多羅，何謂三事，護身三事而淨，護口四事，護意三事，是為三事，復有四事，母人疾得男子，自致阿耨多羅，何謂四事，所施與不諛諂，於戒而不諛諂，常自守護，亦不諛諂，聽

聞其法亦不諛諂。是為四事。復有五事。母人疾得男子。自致阿耨多羅。何謂五事。用法故所作如法。聞法而直住。不樂於母人。常念作男子。是為五事。復有六事。母人疾得男子。自致阿耨多羅。何謂六事。不懈怠。所作不忘。其心柔軟質朴。而不諛諂。亦無恣態。所作至誠。是為六事。復有七事。母人疾得男子。自致阿耨多羅。何謂七事。常念佛得法身。常念法得佛慧。常念僧欲令來屬。常念戒欲淨之。所求常念。施與去諸垢。常念天上欲令如菩薩心。常念人欲度生死故。是為七事。復有八事。母人疾得男子。自致阿耨多羅。何謂八事。不以飲食而自樂。亦不華。亦不香。亦不眾好雜色。亦不至戲觀之。廬。亦不倡伎而為樂。亦不歌舞。是為八事。復有九事。母人疾得男子。自致阿耨多羅。何謂九事。亦無所斷。亦無所著。亦不念有我。亦不念有人。亦不念有壽。亦不念有命。亦不念有所生。亦不念無所生。而信因緣。是為九事。復有十事。母人疾得男子。自致阿耨多羅。何謂十事。為一切而有慈。不貪利。一切物。亦不念他。男子身。命盡而不欺眾。不兩舌而熹罵。亦不妄語。其有作倡伎樂。其心不以為樂。亦不起意。亦無所恨。而正住。不以邪罪福事而索知。是為十事。母人可得為男子。疾得阿耨多羅。三藐三菩提。母人有施心。有法心。視諸色若水中之聚沫。自於色不貢高。於安於苦。視若雨中之泡。若得安。不以為愛。若得痛。而不怒。於安隱。亦不喜。於痛。亦不憂。視而知思想。若野馬。其心亦不在。男亦不

在女。生死譬如芭蕉。知生死無有可於生死。亦不念有。亦不念無。其識譬如幻。視其心意。若幻。無有異。於諸法。無有著。以四大。地水火風。而知一切。若舍以三事。而得成。有草有土。有木。人者。亦無吾無我無命。所作如所為。無崖閼。是則本眼。已自然而有所視。眼者如水。中泡。但怙以肉。而裏空。本空而淨。耳鼻口身。意亦爾。視其身。若如影。其聲者。譬若嚮。知其心如幻。其作是者。疾離母人。而得男子。自致阿耨多羅。三藐三菩提。佛說是時。諸夫人皆歡喜。已。頭面著佛足。應時佛笑。無央數。色光明。而從口出。遍十方。還繞身三匝。還從頂入。阿難從坐起。正衣服。長跪。已。讚嘆。而問。面明如月。其光甚尊。其色如火中之金。今笑願聞其緣。今欲所問。一。總持尊慧。為一切。悉作本。其因地之者。莫不供事。屬之所笑。會有歡者。今欲而問。二。已。法施自樂。已。清淨之戒。忍辱之力。屬之所笑。是誰之本。今欲所問。三。精進而根得成之力。以禪。惟務以自娛樂。其慧若天。無所不遍。屬之所笑。而為論本。今欲所問。四。常若有慈。加之於哀護。壽適平。而無奇特。屬之所笑。誰當得本。今欲所問。五。已。斷三毒。而有三眼。所語法。譬若甘露。屬之所笑。誰當值本。今欲所問。六。降伏眾魔。却於外道。已。四諦而教。屬之所笑。誰當致本。今欲所問。七。尊於十力。決斷眾疑。其德無數。屬之所笑。誰當得本。今欲所問。八。佛語阿難。乃見佉真陀羅。諸夫人眷屬。為我作禮者。不。阿難白言。已。見佛。謂阿難。諸夫人。因是歡喜。為我作禮。而自

發心。合會功德。壽終已後。離於母人。當得男子。便生兜術天上。當與彌勒相見。講議菩薩之事。彌勒佛時。皆當供養。是波羅劫。其當作佛者。皆悉來而供養。稍稍於是劫中。當成菩薩行。佉真陀羅。自致至成佛。是諸夫人。皆當生彼佛刹。悉作菩薩道。

佉真陀羅。白佛。今吾等所作。已。若如佛生死已盡。但住於天。及人。已。住於佛道。今。已。具法藏。已。住其慧地。已。治於功德。已。現於諦道。已。說遍。想拘舍羅。已。造菩薩心。開決眾法。說所說。而得依歡喜。而聞法。時眾會及諸菩薩。各各有念。佉真陀羅。能至久。如而成佛。號字云何。及其刹土。有眾菩薩。及其所有。佛應時。悉知諸菩薩所念。便呼阿難。謂。佉真陀羅。王。却後七萬四千八百劫。當為佛。號字。群那羅耶波。披沙漢曰德。其刹土。名。梅陀。惟摩羅。漢言曰。其劫名。羅陀。那三披。漢言寶。其地。平等。悉。白琉璃。其地之明。譬若如日。其地甚淨。無有塵垢。在於虛空。而有交露之帳。皆悉眾寶。諸菩薩。悉坐其中。所行徑處。諸菩薩。各見佛。見已。便念。我之所見。若如是。化諸菩薩。所疑。所見佛。則當開解其疑。皆當得無所從。生法樂。忍。爾時。刹土。無有城郭。丘聚。縣邑。王者之土。一切人。皆在交露帳中。不見母人。亦不聞母人。其往生者。皆悉。而化在蓮華師子之座。眾菩薩。以禪為樂。以法歡喜。為食。亦無異道。不聞異道。一切。但有眾菩薩。悉摩訶衍。無有邪道。不信佛者。亦無眾魔。亦無魔民。亦無求者。亦無苦者。以好之藏。以空印。而封。彼聞諸天。及人等。無

異。但有名字。其佛壽十小劫。當以無央數眾菩薩以為僧。悉當得不可議性務。是佛欲般泥洹時。先當授菩薩決。其菩薩名曰漚多。惟授。後當作佛。號字摩訶惟授。漢言。是劫羅陀羅三披。於佛於法於僧無有盡時。故名曰羅陀那三披。侏真陀羅於佛前受決。即時歡喜踊躍。飛上去地百四十丈而住。欲令一切在會者而歡喜。自用功德。因佛威神而說。嘆諸法本淨。若空自然無有。自然故無垢。其知是者。則佛之上子。一若夢之所見不可得。故不可持。若如虛空。其知諸法如夢。不以死生為勤苦。二如幻師有所現。於其中無所得。其五陰若如幻。三其色本若水中之沫。痛痒者若水中之泡。而自然。思想者若野馬如芭蕉無所得。生死無所得。四心意所知但有字。佛言。若如幻知五陰本如空。於生死不已等。已四大等如稱所。已等如毒故。五六衰者如空野。已如法持佛威神。六自伏者乃施與。為是者即之安。其已淨是則戒。想已盡則忍辱。能自制而寂為精進。七所作而無異是則之為禪。如所緣無所礙。故慧。持是學則波羅蜜。八無我無人則善慈。清淨者是為哀。其寂者若護等。作是行上梵天。九以四事雜施與受佛忍以不怒貪。已無過所有。十無我壽命亦爾。六衰空而悉寂。其知者則菩薩。十一菩薩者不希望。不想有人無人。亦不想有我無我。其心不二。故無所著。十二法無所有。而無所依。去無所至。來無所從。住法身無所閱。恒薩者與佛等。十三亦不有亦不無。因法緣所因便有。若電現則滅。心者

亦爾。四於生死而有行。其心不可見。心者如風。無所著。其心者為本淨。已知心本淨。於生死無所沾污。五若垣壁牆因土草木而得成。其身無知。譬若石本之淨。身者無所希望。六若風不可得。其聲亦爾。若山中有妓樂之響。其知是聲之亦淨。於是響亦不作欲。七若虛空而不墮。無所住。無有處。盡知諸法。若虛空無所住。無所止。如是知者已為等住。八若有大火不能焦燒。其虛空。其知諸法淨若空。若異方剝土而有大火往到彼間。其火亦不能害。已知是法。不須彌遮迦和山之為礙。其知是者。能遍諸剝土。其四大地水火風悉平等。用空故。其知是者。能到億億剝土。九於三界而有聲。上中下。於百億劫而有聲。無有竟本。自然故。十佛色心等如稱而微妙。用淨故。諸佛平等若稱。十一菩薩行已合會無央數之功德。已知善心諸法悉平等。後能便受其決。二十菩薩者自己界於法身而甚淨。其知是者後乃受決。三於色不想於想亦不想。於痛痒思想生死識亦不想。以法故而受決。受決者不以陰四大。故空者盡平若稱。已知是者為無所從生。後乃受決。四盡者不能自知。不盡者不能知盡。已向盡者。諸法忍後乃受決。無想者若直之道。有想者若入邪道。於諸法無所著。已過三世。其知是者乃得決。五自知我而自然。諸法悉自然。無我而自然。用空故而自然。空者自然無所有。其知三蓋心等而空。是故曰自然。其知受決者。不當作是知。為有希望故。其知不心不意受決者。是則為受決。

二十侏真陀羅謂諸會者。若等悉住在地。而我六在虛空。其知在地。於虛空心適等。遍於三世而無所著。七侏真陀羅讚歎說是。從虛空來下。前到佛所。而白曰。今佛者用我故於世而有。佛盡為我說。吾之願已從無央數阿僧祇劫而行菩薩道。不忘功德。今悉得聞。時會諸菩薩各有是念。侏真陀羅已從本何過去。佛而發心。佛則知諸菩薩所念。欲決其疑。故喚提無離菩薩言。過去不可勝數阿僧祇劫。爾時有佛號字羅陀那。頭寶英。其剝土名曰首呵。首呵者漢言。其劫名波羅林。波羅林者。爾時怛薩阿竭有十二億菩薩。皆精進悉得忍。皆阿惟越致。其佛壽六十億歲。其剝土莊嚴無所不辦。其地悉琉璃。無種諸穀者。其有飢渴名美飲食。盡悉在前。其土者無有異道。皆悉摩訶衍。爾時之世有遮迦越羅。名曰尼彌陀羅。而主四方。是遮迦越羅供養佛六十億菩薩。至千億萬歲。所作功德而無央數。及夫人八萬四千。及子千人。及官屬八萬四千人。與俱發阿耨多羅三耶三菩提心。發心復供事佛至億萬歲。却後以太子名曰和陀波利。林代而立為王。棄國行作沙門。其太子立為王者。亦供養佛如前數已。復立其子而為王。便棄國行作沙門。如是展轉相傳。如前法乃至盡于佛壽。其佛般泥洹已。最後末王而制持法。佛語提無離菩薩。汝乃知時遮迦越羅尼彌陀羅不。今現侏真陀羅是。提無離則言。善哉善哉。佛之智以不可計盡久遠。悉知而說之。佛言。是智不足言。所以故能知一切人。

已過去當來今現在心所行有所因無所因有功德無功德是故怛薩阿竭智無所罣礙佛說無所罣礙時八萬四千人悉發阿耨多羅三耶三菩提心佉真陀羅與宮室眷屬供養佛七日已便持所有國土悉奉上佛是者皆怛薩阿竭所有時時枉尊來到是間當用哀一切故佉真陀羅太子名曰遺摩羅涅以摩尼珠交露以奉上佛白言今吾佉真陀羅者於伎樂而有大欲唯願佛以法教照吾等令於伎樂而無欲心佛言從今已去我為若心作護有伎樂之音時令若聞六十四法聲當所向何謂六十四法但聞無常聲苦聲空聲無我聲寂聲清淨聲無生死聲本淨聲無所從生聲如其本聲本際聲本無聲法身聲怛薩阿竭聲無人聲無壽聲無命聲無來聲無當來聲無過去聲無現在聲無處所聲無所得聲無所上聲布施聲淨戒聲忍辱聲精進聲一心聲智慧聲慈聲哀聲護聲等聲佛聲法聲僧聲不忘菩薩聲意止聲意斷聲神足聲根聲力聲覺意聲道所入聲響聲觀聲漚和拘舍羅聲四事雜布施聲教一切聲護法聲降伏魔聲幻聲夢所見聲若日明聲若響聲若水中影聲不壞法身聲十種力聲四無所畏聲十八法不共聲阿耨多羅三耶三菩提聲阿惟越致聲莊嚴國土聲是為六十四事諸所伎樂以佛威神但聞法聲已入是者便得三十七品時會者莫不歡喜皆以頭面著地各各悉言菩薩甚尊已住法者皆為佛所護佛語諸會者如若之言菩薩已住法

者皆為佛所護所以者何以護菩薩者為護一切人所以者何菩薩發心用一切故所以為僧那將護愚冥脫於生死皆至泥洹佛言其知護菩薩者是人已為護一切人以其有以鉢震越衣被所當得者而與菩薩已為施與一切已所以者何菩薩出息入息而得生活譬若如人有出息入息因是而得住足欲饒益一切故一切眾會諸欲天子諸色天子清淨天子真陀羅捷陀羅摩休勒皆讚歎勸助佛之所言皆持眾華而散佛上佉真陀羅自念諸比丘菩薩上至佛皆當還去欲令因佉真陀羅神足而還便化作露車縱廣三百里皆悉眾寶無央數寶以為諸樹為怛薩阿竭作師子座高四丈九尺以天繒無央數色有綉縵布其諸座令諸比丘菩薩各各就坐為諸帝釋四梵天王作座如天座則已成辦白佛已加哀當就之佛與比丘僧諸菩薩悉就佉真陀羅車則時因佉真陀羅神足去地百四十丈其車行於虛空八千天子其諸佉真陀羅捷陀羅皆共隨從佉真陀羅以金為繩與眷屬俱挽交露車適當向道佛放光明悉照三千大千剎土王阿闍世及諸群臣比丘比丘尼優婆塞優婆夷見光明知佛當來悉持繒蓋幡花香出羅閱城皆出而行迎佉真陀羅八萬四千伎樂皆作倡伎鼓琴瑟而行其音先聞佉真陀羅與子及眷屬挽車送佛至耆闍崛山中已到佛從車已下自就其座諸比丘菩薩皆在前而住阿闍王比丘比丘尼優婆塞優婆夷諸一一尊者及散

王屬阿闍貴者皆持繒蓋華香悉以供養佛作禮各各問言怛薩阿竭提無離菩薩問佛佉真陀羅與諸眷屬以車送佛到是當得何功德佛言佉真陀羅及眷屬其發阿耨多羅三耶三菩提心者因是功德皆當得五旬乃至成佛而不忘從一剎到一剎供養諸佛聞其法亦供視諸比丘僧皆當知宿命悉當成無極之大哀常當護法常當教化一切人王阿闍貴語佉真陀羅善哉仁者為佛所譽阿闍貴復報語佉真陀羅仁所作功德願分我少所令我得其功德佉真陀羅則答言若可意者持是功德而相與及一切人何以故菩薩諸所作功德皆為一切故不於中有所貪諸所作功德不念獨是我所作一切人許菩薩有所作為一切當蒙其福祐何以故菩薩者是一切之因緣稍而自習故能益於人佉真陀羅謂阿闍貴善哉仁者而得二加羅蜜一者是佛二者是文殊尸利蒙是恩所作非法其狐疑悉得解除阿闍貴王言菩薩所作甚善已意作法器諸所聞法其心不疑亦不念亦不忘提無離菩薩問佛何謂菩薩能作法器佛言以三十二事為法器何謂三十二事菩薩堅住為佛所護是為法器一其意不諂所語無異於功德有信是為法器二以習菩薩事是為法器三所聞用意是為法器四已入意稍欲至道是為法器五入知諸本是為法器六布施得尊是為法器七淨戒具足所願是為法器八忍辱者致三十二相是為法器九精進者一切諸佛法是為法器十一心者療治

其病。是為法器。一智慧者無所罣礙。是為法器。二慈者為一切人而等。是為法器。三其哀者護一切貧窮。是為法器。四其護者為哀一切人。是為法器。五等心者為一切其心無有異。是為法器。六為人作迦羅蜜。是為一切功德之法器。七所聞不厭足。是為般若波羅蜜。法器。八作沙門雖離父母親屬。其心不已為勤苦。是為法器。九樂在山間而自獨處。其心專一。是為法器。十能忍空閑可得禪旬。是為法器。十一其無者。已所有而與之。便教道人。是為法器。十二護諸法。使盲冥而得明。是則為法器。十三知陀隣尼曉了其事。能開導人。是為法器。十四在所欲為一切人能決其疑。是為法器。十五其念佛者疾得見佛。是為法器。十六二十七兩法諸本。其無瞋怒其心不恨。其功德不知盡。並皆闕。其無瞋怒其心不恨。其功德不知盡。是為法器。已知空事不慕所有。是為法器。曉了十二因緣過著斷上而去。是為法器。九已得法忍者。是為法器。十今受決不久。是為法器。十一於阿惟越致前其力故不動轉。是為法器。十二是為三十二事。菩薩法器。說是時萬人皆發阿耨多羅三耶三菩提。皆舉言。令一切悉得是法器。令吾等逮得如佛所說法器。佛謂陀真陀羅。可還處所。勿令人勤勞。陀真陀羅言。其心念勞者是非菩薩。其不念勞者是為菩薩。陀真陀羅復問佛。何所菩薩念勞。何所菩薩而不念勞。佛言。菩薩以四事可知有勞。何謂四事。可知有勞。聞無央數人其心恐怖。是為一勞。聞不可度生死。其心恐怖。是為二勞。聞不可限諸佛智。其心恐怖。是為三勞。

聞無央數功德而成一相。其心恐怖。是為四事。知而有勞。菩薩以四事知而不勞。何謂四事。欲度一切人皆令至泥洹。是為一事。不以為勞。欲自護無央數生死。蓋欲作功德。其心不恐。是則不為勞。聞無央數佛智。欲悉具足。其心不恐。是則不難。聞無央數功德而成一相。其心不恐。續作功德。不以為難。是為四事。知菩薩而不為勤勞。復有四事知而計勤勞。何謂四事。中間中間愛樂聲聞之事而往附觀。中間中間樂辟支佛法而往親近。諸法欲盡時。而不用意。亦無有護。亦不教人發菩薩心。是為四事。知菩薩而計勤勞。復有四事不可計有勞。何謂四事。不於羅漢辟支佛法而自娛樂。聽亡身命不離其法。若聞有好人可發菩薩心。故往教不避大遠。是為四事。知菩薩而不為勞。復有四事可知有勞。何謂四事。若沙門婆羅門貧窮乞丐者。如有所求。輒瞋怒向之。但憂食飲臥起得安。而不念餘人。不念學問。我當多知。時時所聞慧急去。而不欲教人向。是為四事。知菩薩而計有勞。復有四事知而不計勞。何謂四事。其乞丐者有所求。則而施與。視之如迦羅蜜。其心柔軟好顏向一切。不自念身安。但欲安他人。於學不以厭足。如所聞教化一切人無所希望。是為四事。知菩薩不計有勞。復有四事菩薩計而有勞。何謂四事。不求波羅蜜道。不以四事而有所施。於一切人不精進。而欲教其趣。可所聞念已為足。不念菩薩道。是為四事。知計有勞。復有四事可知菩薩不計有勞。何謂四事。若身

被火不已為劇。求諸波羅蜜亦如是。不以懈怠。以四事施與常以備足。不逆求者。以精進欲於人歡喜。欲具諸功德。知而不厭。是為四事。菩薩知不計勞。佛謂阿闍闍。聞菩薩而不計勞耶。答言。已聞。佛言。已聞者。從今已去。其有行菩薩者。所作勿厭極。而計勞。王阿闍闍問佛。何謂菩薩行。佛則於陀真陀羅捷陀羅諸會中而言。各各得所。其阿闍闍聞佛所說菩薩行。如所行聞法。則作行。於菩薩不計勤苦而行。於一切等心行。堅固行。諦行。其意所作而淨行。於菩薩法而不諂行。布施行。與行。所有無所惜行。其作菩薩行不作有所依淨戒行。寂行。身口意淨行。菩薩已心常念而行。忍辱行。棄捨眾恨而行。其作菩薩行者。不起其意精進行。有所致行。於生死不以勤劇而行。其作菩薩行其心不怯弱。禪行。知行。安身心而行。其作菩薩行心而不亂。菩薩者以智慧行。當如法行。其行菩薩不計有所得。慈行。柔心行。常作哀行。菩薩所作行。無有恚行。空行。以意行。無有想清淨行。其菩薩行無所願。菩薩行是當行。具足意智慧行。菩薩所行。無所礙信行。精進行。用意安三昧行。其菩薩行無所斷神足行。惟務行。以五旬行。菩薩所作而不罪行。平實行。乘法行。欲教一切而行。其如菩薩行。所作而不藉因緣行。如作行。斷絕眾冥行。於菩薩所作而不錯淨行。清淨行。脫眾垢行。菩薩其作是行。無有悔安行。護一切令無畏行。菩薩其作是行。為悉具足所欲。如日行。如月行。如蓮花不污行。菩薩作是行。為

諸天一切之所敬。如釋行。如梵行。具足道行。菩薩其作是行。眾魔悉恐。持行。尊行。盡姪怒癡行。菩薩作是行者。無央數諸天皆讚歎之。所行。久長行。智慧眼清淨行。菩薩作是行者。無所希望。寂行。肅行。於名色無所著行。菩薩其作是行。無有罪。菩薩所作如是行。為諸天所歎。所語柔軟行。如平等行。捨邪道行。菩薩之所行。以慧為本行。勇猛行。動眾魔行。會當坐佛樹無有異行。得陀隣尼行者。菩薩在所作而不厭行。山間行。能忍行。常愛樂欲作沙門行。菩薩所行如所因。欲脫行而心行。於一切而尊行。菩薩所緣所而不失辯行。遍和拘舍羅行。於禪旬而不希望行。其作菩薩無所法行。於俗行。非俗行。欲色無色行。菩薩作是行。無所畏。一切無所不行。盡知一切人行。菩薩所行。譬若如天無所不覆<sup>二十</sup>。佛說菩薩行時。五百菩薩皆得無所從生法樂。忍於眾會。八千人皆發阿耨多羅三耶三菩心。悉對佛言。吾等悉當奉行菩薩行如所行。佛作瑞應。欲令佉真陀羅還歸其處。時佉真陀羅宮室眷屬。遶佛三匝。前長跪而辭。放身光明。皆作伎樂。鼓於琴瑟。地六反為震動。而雨天華。便還處所。歸其宮室。釋提桓因白佛言。今佉真陀羅供養佛及法比丘僧諸菩薩。其功德已出我上。佛語釋提桓因。不獨過汝上。其德已過三千大千刹土諸釋梵四天王諸聲聞辟支佛上。所以過者何。菩薩一發心過諸聲聞辟支佛。一切人當因其法得度脫故。菩薩勝於一切。莫能有勝於佛者。故知無能勝菩薩

者。所以者何。佛因菩薩心而自致成。諸聲聞悉因佛法而得成。佛說是語。釋提桓因則自泣淚出。白佛。今我有損。本不發菩薩心。時座中有天子名曰懼<sup>一</sup>。或謂釋提桓因。佛法而普天莫不發菩薩心。今若之悔。當復何益。所以者何。焦燒菩薩種故。已不在菩薩法器。懼或說是語時。五百忉利天子皆發阿耨多羅三耶三菩心。懼或天子白佛。我見佛從本行菩薩。從提和竭佛受決。得無所從生法忍時。今怛薩阿竭如所得法樂忍。惟願說之。今吾等聞。佛言。無功德菩薩不能得聞無所從生法樂忍。佛語懼或菩薩。以四事得無所從生法忍。何謂四事。等知諸佛以過去當來今現在無有一於諸法等無有異<sup>二</sup>。等諸刹土<sup>三</sup>。等一切人<sup>四</sup>。是為四事。復有四事。何謂四事。樂空而四禪<sup>一</sup>。以無極哀樂於三活<sup>二</sup>。以遍和拘舍羅樂六波羅蜜<sup>三</sup>。以智慧樂於五旬<sup>四</sup>。是為四事。復有四事。何謂四事。於五陰求菩薩道。菩薩知五陰而自然<sup>一</sup>。於四大求菩薩以自然<sup>二</sup>。信四大於六衰求菩薩。視六衰而自然<sup>三</sup>。於諸法求菩薩。於諸法自然而不疑<sup>四</sup>。是為四事。復有四事。何謂四事。以住於本際而知諸法<sup>一</sup>。已住怛薩阿竭。於法無所不入。於三世而等<sup>二</sup>。入於法身。悉知諸法。其相若空。不可壞<sup>三</sup>。視諸法。悉等無有異<sup>四</sup>。是為四事。菩薩得無所從生法樂忍。說是時。五百菩薩悉得無所從生法樂。懼或天子得法忍不疑。說是欲竟時。佛呼阿難。若悉得佉真陀羅所問不阿難白言。悉得甚善。是法快哉。無比甚深微

妙。如本所說。以是而知本曉了諸法。阿難白佛。如本所聞法。今聞是者可悉曉了。今我聲聞。聞是悉曉了是法。何況菩薩。其智無極。其心若海。無所不受。其智甚廣。無所不苞。於諸法無所不總。於眾寶而為大器。於一切無情者而為作倩。若視厚其慧不可度。阿難復問佛。其後聞是者。當得向法明。佛言。今怛薩阿竭。一毛光明。悉覆三千大千日月之明。如怛薩阿竭舉身毛光明。不如得是法明。其決無所不過。所以者何。諸明者皆因智慧而得。法明者而知一切人。故尊而無蓋者。一其後聞是者皆得慧明。便持諷誦讀教人。為其法智不離菩薩用一切故。於無極哀以為摩呵僧那。僧涅。以慈而為鎧。以降伏眾魔。稍近佛樹下。阿難白言。今我承佛威神而持是法。其諷誦讀為一切人廣說。其福云何。佛言。若有人以七寶滿三千大千刹土。施與須陀洹斯陀含阿那含阿羅漢辟支佛上至佛。所作功德至千歲。佛問阿難。其德甚多。阿難白言。甚多甚多。天中天。佛言。不如男子女人奉行菩薩事。而晝夜各三諷誦讀。若為人說是法中事。其德出彼上。何況說如是法者。何以故。菩薩以經中四事。為人說解中義。是故為法施。眾施中之尊。於是為極上之恩。法施者是為極上之護。何以故。其法施者。聞聽心垢則除。便得脫。其所有物而施與。但長養於生死。其欲度於生死者。當以法而施與。是為隨佛教法施者。一切人因是中而得德。菩薩法施時得三十二事。何謂三十二事。用意安一所作

①汝(○)○(○)若(○) ②今我(○)元(○)明(○)令(○)我(○)正(○)我(○)今(○) ③佛(○)○(○)佛(○)佛(○)

安<sup>二</sup>於行安<sup>三</sup>於愛欲少<sup>四</sup>於怒<sup>五</sup>於癡亦爾<sup>六</sup>自就脫復脫人度生死<sup>七</sup>為人所愛<sup>八</sup>為諸天所歎<sup>九</sup>為龍閼叉犍陀羅所護<sup>十</sup>因所作而分越<sup>十一</sup>便得衣鉢震越床臥具病瘦醫藥<sup>十二</sup>名聲遠近莫不聞者終不為邪之所得<sup>十三</sup>為諸佛之所讚便能行護法<sup>十四</sup>因是而得法身不異於惡道<sup>十五</sup>於諸天及人<sup>十六</sup>以為難<sup>十七</sup>所生不離諸佛法<sup>十八</sup>所生便知宿命<sup>十九</sup>所生愛<sup>二十</sup>身而不缺減<sup>二十一</sup>便逮得三十二相<sup>二十二</sup>得陀隣尼所破壞<sup>二十三</sup>而知諸因緣以禪自養<sup>二十四</sup>以大慧治道路<sup>二十五</sup>於冥疾明<sup>二十六</sup>其心不邪念<sup>二十七</sup>俗

事之所施與而過上<sup>二十八</sup>於法藏不可盡在所<sup>二十九</sup>欲<sup>三十</sup>法諸本皆闕<sup>三十一</sup>是為三十二釋提桓因白佛我奉行持是法若佛般泥洹以後其有人應法器者我當擁護令得聞是法所以者何如是經中所說功德用功德歡喜故佛言善哉善哉釋提桓因於我前而勇猛若師子說後當護是法用是功德故若阿須倫欲以兵而來不敢當若所以者何是法要無能得者而若欲護之其有所畏者所見不邪故於法無所希望是故為護梵天白佛其有郡國縣邑聚落其說是法吾等自當捨其處所當往擁護所以故聲聞辟支佛釋梵因是法而得自成致四天王白佛吾等是佛弟子皆當奉行是法當擁護之令得久住其吾等所部主不信佛法者若龍閼叉犍陀羅真陀羅摩休<sup>三十二</sup>勒其有不信者我當令信則皆言隨其習俗說呪曰多錒唵錒阿獵錒婆少獵錒休晏摩休晏伊晏牽晏阿和嚩惟越嚩波利眇陀

那尼蚊眇波袈散那伊和伊和惟利頰眇姐眇姐摩羅伊陀悉當令信向佛法其有邪意者皆令正心其有閱又自用者皆不自貢高皆當令讚歎佛而擁護法是要佛之所說四天王呪是言其有求人短者皆得不勝佛語彌勒提無離菩薩我從阿僧祇劫而行菩薩道今以法而相屬累令得久住彌勒菩薩謂提無離菩薩佛般泥洹已後吾等當護是法當教告人廣說其事後世若有菩薩有功德者當逮得是經卷我等當勸助而擁護之若後世其逮得是經者有書誦誦讀皆得安隱當知彌勒提無離菩薩之所擁護時於會中魔來而白佛佛為聲聞說法時我不恐懼亦無所憂佛今所說菩薩印住怛薩阿竭稍近菩薩道為一切作護我今聞是愁憂譬若如老今以羸極若欲躋地惟怛薩阿竭加哀而哀所以者何聞是甚愁甚憂從今已去莫復說是佛謂魔莫復啼哭亦勿致愁今若伴者亦甚眾多其有不聞是法者悉是其伴信樂者少少耳佛以取土著爪甲上其有信向是法其數若爪上之土其有不信者之數譬若地之土如地土之數不信者悉若之侶也用是故且自歡喜無央數一切人界說是法時悉發阿耨多羅三耶三菩提心九萬二千菩薩皆得無所從生法忍八萬四千人皆得須陀洹道八千比丘皆得阿羅漢爾時三千大千刹土而為六反震動其光明無所不照普雨於天華其琴瑟倡伎樂不鼓而自鳴諸天無央數輩在虛空中皆言善哉善哉吾等於閻浮利再

見法輪而轉如怛薩阿竭於波羅那界轉於法輪多得安隱不如今之所說復增加轉倍其有持誦誦讀是經者所說以為助法輪轉彌勒提無離菩薩及阿難問佛是法為何等當云何行佛言是名侏真陀羅所問諸波羅蜜解諸法寶品佛說是經彌勒提無離菩薩比丘僧諸天人犍陀羅鬼神龍莫不歡喜前為佛作禮而去佛說侏真陀羅經卷下

大樹緊那羅王所問經卷第一 No. 625 [No. 624]

姚秦龜茲三藏鳩摩羅什譯

如是我聞一時佛住王舍城祇闍崛山與大千眾所知識皆從十方世界來集得陀羅尼無礙辯才進入念慧慚愧具足其志堅固猶如金剛善修成就一切佛法志意清淨成就具足自不忘失菩提之心亦能令他而不忘失善調柔施攝伏諸根善能知捨所愛之物以清淨戒善自莊嚴於諸眾生其心平等以柔和忍力而自莊嚴於無量那由他阿僧祇劫勤修進力於諸禪定解脫三昧遊戲神通自在無礙善以智慧分別一切諸法句義其心不動如大山王於諸眾生其心平等如地水火風善離愛悲常行慈心恒遣慈光遍照眾生安住大悲常勤觀察一切眾生住於大喜樂法具足住於大捨得無二智利衰毀譽稱譏苦樂皆以超過如是世法慧光善伏自

眾他眾降伏眾魔世所難遇如優曇華為諸眾生中大師子吼究竟涅槃樂甚深四無所畏為如來印之所印之所記無錯如說而行於深法藏義味相應蔽諸日月名稱流聞遍十方界若為諸佛之所護持守護法藏常不斷絕三寶種性善能遊過無邊佛刹善解了知隨宜給侍諸佛世尊聽聞受法常勤精進教化眾生得到方便智慧彼岸善隨一切諸眾生根如應說法善知一切諸眾生等意之行相其心淨妙善巧言說為大醫王善療眾病已於無量阿僧祇佛所種諸善根善集相好福德莊嚴善能解了空無相願善解諸法如幻如焰如水中月如夢鏡像解一切法如虛空相善能解了一切眾生音聲言說善分別法樂說無盡善能觀察出世之慧成就大力近佛十力得明肉眼天眼慧眼法眼佛眼善度莊嚴助道法分善解超度一切諸道明了菩薩法藏所攝善能轉於不退法輪得三昧印相善能知到金剛場三昧一切諸法自在三昧常現在前持大寶炬其心謙下於諸眾生常觀一切諸眾生心亦常觀諸眾生智慧近佛智慧令諸眾生施作佛事所作事辦皆已聚集一切功德盡未來劫說其功德不可窮盡其名曰寶住菩薩寶有菩薩寶手菩薩寶花菩薩寶王菩薩喜見菩薩愛意菩薩愛眼見菩薩持地菩薩作喜菩薩大勢菩薩大德菩薩降魔菩薩摩鳩提菩薩儒天菩薩曼陀羅香菩薩實菩薩等觀菩薩無高下菩薩善御菩薩一切眾生不請友菩薩彌勒

菩薩雲音菩薩持山嚴菩薩山積菩薩上友菩薩勇友菩薩光明菩薩光德菩薩燈王菩薩觀志菩薩光莊嚴菩薩雜綵冠菩薩天冠菩薩天王菩薩天眼觀菩薩觀世音菩薩善臂菩薩思志等菩薩善住志菩薩善住業菩薩不動足集菩薩金剛足進菩薩越三界足菩薩疾辯菩薩速辯菩薩無斷辯菩薩住辯菩薩妙音菩薩梵音菩薩喜一切眾生音菩薩文殊師利法王子菩薩如是等上首七萬二千人於此三千大千世界釋梵護世并餘大威德諸天龍夜叉乾闥婆迦樓羅緊那羅摩睺羅伽人與非人比丘比丘尼優婆塞優婆夷皆來集會為欲聽法爾時世尊與無量百千大眾恭敬圍遶而演說法爾時天冠菩薩即從座起正衣服偏袒右肩右膝著地合掌向佛以偈讚曰

超世為世作燈明 智慧利益於世間  
 令結闇者得光明 我今稽首離世間  
 十方行施最殊勝 善自調心到彼岸  
 人天龍神所供養 稽首敬禮燒結仁  
 勝相多利益世間 金色圓光普周遍  
 持淨妙戒大美金 稽首三界最無比  
 度諸眾生到彼岸 調伏諸論無能動  
 善了知諸眾生心 稽首敬禮勝大悲  
 斷諸結使不生著 以力降怨善住戒  
 天中之天淨結垢 我稽首禮降諸怨  
 眾寶中最無瑕穢 常樂智慧為先首  
 除斷貪瞋愚癡垢 稽首心等如虛空  
 演說四諦度四流 說甘露法施淨眼

遊行三界為利眾 我稽首禮持輪相  
 常為人天所供養 常化眾生令度脫  
 虛空人天所供養 我稽首禮人中勝  
 常樂集於正善法 常以慈心等世間  
 人尊調御住正道 稽首攝持一切德  
 淨音所說勝妙善 適意柔軟梵音聲  
 善解眾音到彼岸 稽首美妙如實說  
 趣空無相及無作 能最甚深難見法  
 善能進趣入解脫 稽首善知解脫道  
 世尊善解知因緣 常能斷離二邊見  
 實說因緣業果報 我稽首禮見世間  
 無有來者及去者 無慢善能觀諸法  
 如幻如焰水中像 稽首敬禮善法眼  
 生若無生都無生 若生及滅亦無滅  
 其所止處如法住 調御善住如是處  
 所有言說便真實 善住如如回傾動  
 金剛山身無動搖 我稽首禮回傾動  
 其身口意等無異 名聞無量遍三界  
 我今欲問勝丈夫 願尊勿慮為演說

爾時天冠菩薩偈讚佛已白佛言世尊我今欲於如來應供正遍覺勝妙法中少有所問若佛聽許乃敢諮請爾時佛告天冠菩薩善男子恣汝所問隨汝所疑如來當說悅可汝心爾時天冠菩薩白佛言世尊云何菩薩得成雜種莊嚴之辯世尊云何菩薩得增勝智善知分別甚深之法世尊云何菩薩善知諸根世尊云何菩薩善能解知如應說法世尊云何菩薩善知一切眾生心行世尊云何菩薩知一切因行果報亦知出過所行無失世

尊云何菩薩莊嚴布施世尊云何菩薩莊嚴戒忍精進禪智世尊云何菩薩善能解知莊嚴梵道世尊云何菩薩不失神通世尊云何菩薩斷諸結使世尊云何菩薩度到彼岸世尊云何菩薩能現一切聲聞緣覺及諸眾生形色威儀無有別異世尊云何菩薩觀於生死不住涅槃世尊云何菩薩觀眾生界不動法界世尊云何菩薩不退失利觀現失利世尊云何菩薩有大財寶封邑無盡以方便力現為貧窮世尊云何菩薩行於諸行令有作門入無作門世尊云何菩薩善觀諸法世尊云何菩薩決定分別一切諸法世尊云何菩薩行諸世法不為所污世尊云何菩薩於諸自在不觀望他世尊云何菩薩不離見佛世尊云何菩薩善自調伏無諸惡法世尊云何菩薩善為師導而不恪法世尊云何菩薩為諸眾生作實依止世尊云何菩薩能轉一切諸佛法輪世尊云何菩薩於一切法得灌頂位爾時世尊讚天冠菩薩善哉善哉善男子汝今所問多所利益安樂世間利安人天攝取未來諸菩薩等善男子汝常曾於恒河沙等佛世尊所諮請問難今復當大利益安樂未來菩薩今此大乘得久住世善男子汝之所問善心諦聽吾當演說天冠菩薩白言世尊受教而聽善男子菩薩成就四法得於雜種莊嚴之辯何等為四是菩薩於一切眾生無侵害心捨諸一切所愛之物心無悔恪有說法者不斷其說起隨喜心歡喜踊躍讚言善哉勸請說法若於晝夜若在僧中若在佛

塔以菩提心常為先導起志欲心喜樂諸法而是菩薩專心志欲以法等施不期利養善男子是為菩薩成就四法得成雜種莊嚴之辯善男子菩薩成就四法得增勝智善知分別甚深之法何等四順因緣法知我實性知入一切眾生實性知生死行無有來者無有去者知一切法虛空印相是為四善男子菩薩成就四法善知諸根何等四善知法界門觀諸法門無有障礙知諸神通善調伏心無有二行是為四善男子菩薩成就四法善能解知如應說法何等四辯智度眾生智分別法智自淨其心亦淨一切眾生之心是為四善男子菩薩成就四法善知一切眾生心行何等四智慧超出智無有礙入於方便諸有所作終不中悔能自覺了是為四善男子菩薩成就四法善知造因所得業報亦知出過所行無失何等四不說斷滅亦不說常因於業報如實而知如法而現諸法示相是中無我無我所知於所作不失果報是為四善男子菩薩成就四法莊嚴布施何等四莊嚴於相莊嚴於好無比喻色無盡封邑及以寶手是為四善男子菩薩成就四法莊嚴持戒何等四作轉輪王而善莊嚴菩提之心作釋提桓因而善莊嚴菩提之心作大梵王而善莊嚴菩提之心不墮惡道生人天善處而善莊嚴菩提之心是為四善男子菩薩成就四法莊嚴忍辱何等四出梵音聲迦陵頻迦聲多人所愛心意悅樂堅修善法得金色膚是為四善男子菩薩成就四法莊嚴精進得不可

壞何等四得一切眾生無能壞者為諸眾生作不請友有所為作專志不懈心無疲厭樂集多聞堅智莊嚴是為四善男子菩薩無厭成就四法莊嚴於禪何等四無諸鬧亂無有放逸無有慳慢不捨調伏心是為四善男子菩薩成就四法莊嚴智慧何等四不說我人眾生壽命得無礙辯善能分別一切句義於一切法無有疑惑是為四善男子菩薩成就四法莊嚴梵道何等四在空淨處生起慈心為化眾生起於悲心守護正法起於喜心生如來智起於捨心是為四善男子菩薩成就四法不失神通何等四入於四禪而不退失入四空定知於方便心得自在知一切法神通遊至無量佛刹是為四善男子菩薩成就四法斷諸結使何等四內自寂靜亦寂靜外善觀諸法知如幻化有大智力非憍慢力是為四善男子菩薩成就四法度到彼岸何等四知於欲流不證離欲知於有流隨意往生知於見流不捨諸見知無明流不逆緣法是為四善男子菩薩成就四法能現一切聲聞緣覺及諸眾生形色威儀無有別異何等四善起如幻三昧如實而知一切法相善觀五通自觀己身知如幻化是為四善男子菩薩成就四法觀於生死不住涅槃何等四諸佛護持自大悲心善巧方便不捨本願是為四善男子菩薩成就四法觀眾生界不動法界何等四觀自實性解於法性觀眾生性不疑智性觀諸眾生同涅槃性是為四善男子菩薩成就四法不退失利觀現失利何等四善

男子以專志心趣向涅槃。修入生死。專志欲於一切佛法。現為聲聞緣覺調伏。是為四善男子。菩薩成就四法。有大財寶封邑無盡。以方便力現為貧窮無諸財賄。何等四。或現作於轉輪大王。釋梵天王。為化尊勝諸眾生。故現作貧窮。為化貧窮諸眾生。故見來求者。盡捨一切所有財物。見大富者。現無盡寶。有自在力。是為四善男子。菩薩成就四法。令有作門入無作門。何等四。說一切行無常。淨於智行。得於覺知一切行無我。離於諸見。得涅槃法。寂智進行。是為四善男子。菩薩成就四法。善觀察諸法。何等四。善淨慧眼。得明法眼。佛眼現前。於一切法得灌頂位。是為四善男子。菩薩成就四法。決定分別一切諸法。何等四。辯智無滯。解了諦智。住四依智。不捨陀羅尼智。是為四善男子。菩薩成就四法。行於世法。不為所污。何等四。觀知世法。超出過於世間。眾生斷除愛恚。無所染汚。畢竟明淨。是為四善男子。菩薩成就四法。於法自在。不觀望他。何等四。定得自在。智得自在。慧得自在。方便得自在。是為四善男子。菩薩成就四法。不離見佛。何等四。自往見佛。亦勸眾生。自往聽法。亦勸眾生。自發菩提心。亦勸眾生發菩提心。常不捨離念佛三昧。是為四善男子。菩薩成就四法。善自調伏。無諸惡法。何等四。出世明慧觀察智見。顯示解脫。善集法忍。斷離一切不善法習。是為四善男子。菩薩成就四法。善為師導而不悖法。何等四。專心利益一切眾生。志意堅固。無所慊恨。常行教化。一切眾生

自捨己樂。修集智慧。常為一切眾生作利成。於己利。是為四善男子。菩薩成就四法。為諸眾生作實依止。何等四。捨於己利。常求利他。自捨諸樂。為諸眾生求於法樂。如所聞法。為人廣說。無有疲倦。以法養命。不以衣食。是為四善男子。菩薩成就四法。能轉一切諸佛法。輪。何等四。得陀羅尼。得無斷辯。知入一切眾生心行。不觀種姓。而為說法。引入涅槃。是為四善男子。菩薩成就四法。於一切法得灌頂位。何等四。出過諸行。住菩薩行。得無生法忍。示現生死。為不退轉印之所印。入如來印。住第十地。善知諸地。是為菩薩成就四法。於一切法得灌頂位。佛說如是。諸四法時。三千大千世界六種震動。大光普照。於上空中。百千億天。作天伎樂歌詠讚歎。雨天曼陀羅華。作是歎言。如來世尊。無量阿僧祇劫。所集無上正真道法。皆悉於是。諸四法中。開示顯說。若有眾生。得聞是經。受持讀誦。兼復書寫。於大眾中。廣分別說。當知是人。不從小功德來。若有眾生。聞於如是。諸四句法。聞已。信解受持。讀誦。在大眾中。廣為人說。不離菩提心。彼人不久。當於人天。諸大眾中。大師子吼。如今如來。大師子吼。我等今者。快得善利。得聞如是。諸四句法。復能信解。演說如是。諸四法時。八萬四千人。天發阿耨多羅三藐三菩提心。萬二千菩薩。得無生法忍。爾時。天冠菩薩白言。世尊。菩薩成就幾法。佛涅槃後。得聞是經。受持讀誦。兼復書寫。於大眾中。廣說顯示。佛告。天冠菩薩。善男子。菩薩成就八法。佛涅槃後

受持讀誦。書寫此經。於大眾中。廣分別說。何等八。志意成就。專向菩提。究竟行慈。於諸眾生。無侵害心。住於大悲。化諸眾生。常求法利。樂法欲法。求法集法。心無滿足。如海吞流。放捨身命。守護正法。厚種善根。集諸福德。發起大願。諸佛護持。降諸魔怨。離大眾畏。天冠是為菩薩成就八法。佛涅槃後。能得受持讀誦。書寫如是。經法。在大眾中。廣為人說。當于演說如是。法時。於此三千大千世界。亦復六種震動。坑坎堆埠。諸山污穢。江河池流。及諸大海。皆不復現。亦不惱觸水性眾生。爾時。三千大千世界。悉平如掌。微妙莊嚴。於此三千大千世界。百歲枯樹。皆生花葉。傾向於佛。諸生卉樹。花葉果茂。亦傾向佛。此大地上。生諸蓮花。大如車輪。雜色可愛。妙香適意。大光普照。遍此三千大千世界。上虛空中。有諸天子。不現其形。鼓眾伎樂。聞是樂音。雪山王中。香山王中。所有諸天。倍出妙香。令此三千大千世界。普悉大香。時。雪山王。香山王。中雨眾妙花。皆流趣佛。遍滿三千大千世界。其餘諸樹。亦悉雨花。於上空中。有一寶蓋。覆萬由旬。是大寶蓋。垂真珠貫鈴網莊嚴。諸鈴網中所出音聲。柔軟悅意。有大妙音。遍聞三千大千世界。爾時。大德舍利弗。見是變現。合掌向佛白言。世尊。是何光瑞。有是希有。未曾之相。普此三千大千世界。皆悉莊嚴。甚可愛樂。佛告舍利弗。是大樹緊那羅王。從香山中。與無量緊那羅。無量乾闥婆。無量諸天。無量摩睺羅伽。大眾圍遶。欲來見佛。禮拜供養。是大樹緊那羅